

El santo evangelio según San Marcos

Yucu manojũ Juan idé guri masũ ĩ ña ucure gaye
(Mt 3.1-12; Lc 3.1-9, 15-17; Jn 1.19-28)

1 ¹ Jesucristo oca muare gotigu ya yũ. Īti ñami Dios Macũ. Ito yicõri ado bajiro ñasuoã ĩ oca quenarise gotire gaye. ² Jane mejeju sīgũ Diore goti ĩsiri masũ ñayijũ. Isaías wame cutiyijũ ĩ. Dios ĩ Macure ĩ busigore ucañi Isaías ñayorũ. Ado bajiro ucayoñi ĩ:

Tũoya yũ Macũ mũ. Mũ riojũã gãjire cõagũ yigũja yũ. Juan wame cutigu yiguĩji ĩ, yũ oca gotiri masũ. Mũ ejaroto riojũã masare gotigu yiguĩji, mũ ejaroti gaye ñna bocatitoni, yiyijũ Dios ĩ Macure.

³ Yucu manojũ masare jigũ yiguĩji Juan. Ito yicõri sẽoro ado bajiro ĩnare gotigu yiguĩji: “Ña yucãña mũã. Nocõ mejeti mani Ʋju ejagu yiguĩji. Ñeñarise yimenati quenarise riti tũoĩaña mũã”, yigũ yiguĩji Juan, yiyijũ Dios ĩ Macure, yi ucañi Isaías ñayorũ.

⁴⁻⁶ Ado bajiroti rõtayijũ ĩ ucure. Yoari ĩ ucaja bero yucu manojũ ñasotiyijũ Juan. Ī sãñari buju camello joa ñayijũ. Ito yicõri ĩ wẽñuri wirowecũ wirowe ñayijũ. Rujiro ñimia ñayijarã ĩ bana. Ito yicõri searã beroã ide ñayijũ ĩ ya bare. Īre tuorã wadiyijarã masa Judea sita gãna. Jerusalén wame cutiri cuto gãna cuni ĩre tuorã wadiyijarã ñna yucu manojũre: “Mũã ñeñaro yirise jidicãcõri mũcana tũdi uyabesa. Tũdi tũoĩa uya yibesa. Mũã ito yija ticõri, ñeñaro mũã yirise acabojogu yiguĩji Dios. Ito mũã yija bero idé gu rotiba mũã”, yiyijũ Juan masare.

Ito yija masa ñeñaro ñna yirise Diore ñna gotija bero Jordán wame cutirisaju ĩnare idé gu yijũ Juan. ⁷ Ito yicõri ado bajiro masare riaso busiyijũ ĩ:

—Yũ bero gãji wadigu yiguĩji. Yũ rẽto busaro masigũ ñami ĩ. Īre bajiro bajigu meje ña yũama. Yũ rẽtoro quenagũ ĩ ñajare ĩ rãca corocõ ñado ma yũ. Ito bajiro quenagũ meje ñacõri ĩ ya gũboco õja masibea yũ. ⁸ Diore mũã tuorũnũja ticõri, idena muare gubũ yũ. Yũ bero ejagu ĩama Dios ya usi muare queo sãgũ yiguĩji, yiyijũ Juan masare.

Jesure idé gure gaye
(Mt 3.13-17; Lc 3.21-22)

⁹Iti rumuriti Galilea sita Nazaret wame cutiri cutore wacoayiju Jesús. Wacōri Juan tu ejayiju Jesús. Ī ejaroca Jordán wame cutirisaju ĩre idé guyiju Juan. ¹⁰Jesús riaca maja rūgũcōri ĩ ti m̄oja, macāruc̄uro soje janayiju. Ũmacũju ĩ ti m̄orocati bujare bajiro bajiguna queda s̄aja wadicōri, Jesús joe queda jeayiju Esp̄iritu Santo. ¹¹Ito bajija bero macāruc̄uroju oca ruyuyiju. Ado bajiro gotiyiju iti:

—Yũ Macũ ña m̄, yũ maigũ. Bũto wanũa yũ m̄re, yi ruyuyiju oca.

Rũmũa uju Jesure ĩ usirio codere gaye
(Mt 4.1-11; Lc 4.1-13)

¹²Itijuti yucũ manojũ Jesure ãmi wayiju Esp̄iritu Santo. ¹³Itoju ñayiju Jesús jũarã masacō rumuri. Itoju Jesús ĩ ñaroca, “¿Diore riti cudigu yiguĩjida Jesús?” yirocũ ĩre usirio codegũ ejayiju Satanás wame cutigu. Ito ĩ yibojarocati Diore cudibiticō yibisiju Jesús. Gãjeronã jeyaro wato ñayiju Jesús. Ito yicōri Dios ñaro gãna ángel mesa ĩre codeyijarã.

Galilea sitaju Jesús ĩ riasosũore gaye
(Mt 4.12-17; Lc 4.14-15)

¹⁴Iti rumuri Juanre ĩna tubijaja bero Galileaju wacoayiju Jesús. Galileaju ejacōri masare Dios oca quenarise riasoyiju Jesús. ¹⁵Ado bajiro yiyiju Jesús masare:

—Itocō ña wajũ ĩja. Jabeto r̄aya ĩre tuorũnũrãre Dios ĩ miojuroto. Ito bajiri ñeñaro m̄a yirisere tuoĩa bojori bujacōri itire jidicãña m̄a. Dios oca quenarisejũa riti tuorũnuña m̄a, yi riasoyiju Jesús ĩnare.

Wai jori masa juariarãre Jesús ĩ jire gaye
(Mt 4.18-22; Lc 5.1-11)

¹⁶Itajura Galilea wame cutirita tunima rũja wayiju Jesús. Ito rũja wacũju Simón ito yicōri ĩ ocabaji Andrésre cuni ti bujayiju Jesús. Wai jori masa ñayijarã ĩna. Yori yucurina wai waya ñayijarã ĩna. ¹⁷Ito yija ado bajiro yiyiju Jesús ĩnare:

—Yũ rãca waya. Masare jirã yirãji m̄a, Diore ĩna masitoni, yiyiju Jesús ĩnare.

¹⁸Ito ĩ yirocati yori yucuri cũcōri ĩ rãca s̄aya wayijarã ĩna.

¹⁹Ito yija ito s̄ojua b̄usa wa remoyiju Jesús. Jabeto wa remocōri Santiago, ĩ ocabaji Juanre cuni ti bujayiju Jesús. Zebedeo r̄ia ñayijarã ĩna. Cumaju ĩna ya yori yucuri sia queno s̄añayijarã ĩna. ²⁰ĩnare ticōri ĩnare jiyiju Jesús. Cumajuti ĩna jacũ Zebedeore cũ wayijarã ĩre ejabuari masare cuni. Ito bajiri Zebedeo r̄ia Jesús rãca wacoayijarã ĩja.

Rūmú sãñagũre rūmũre Jesús ĩ bucõare gaye
(Lc 4.31-37)

21 Wacõri Capernaum cutoju ejayijarã ĩna. Co rūmũ judio masa ĩna tujacãri rūmũ minijuara wijũ sãjayijũ Jesús. Ito sãjacõri masare riasosũoyijũ Jesús. 22 Ɖju ñasagu robo bajiro masare riasoyijũ Jesús. Judio masa rotirise riasori masare bajiro meje riasoyijũ Jesús. ĩna rẽto busaro queno riaso masiyijũ ĩ. Ito bajiri Jesús ĩ riasorise tũocõri ucayijarã ĩna. 23 Minijuara wijũ ũmũgũ sīgũ ñayijũ ĩ ya usijũ rūmú sãñagũ. Ado bajiro awasãyijũ ĩ:

24—Mũre ti masia gua. Jesús ña mũ, Nazaret wame cutiri cuto gagu ña mũ, yiyijũ rūmú sãja ecorũ. ¿No yigu yigujada mũ guare? ¿Guare bucõarocũ ejari mũ? Mũre ti masia gua. Dios queno ĩ cõaru ña mũ. Dios ĩ maigũ ña mũ, yi awasãyijũ rūmú sãja ecorũ Jesure.

25 Ito yija Jesús rūmũre busi rotibisijũ:

—Busibesa mũ, ito yicõri budigoya mũ ĩ ũmũgũre, yi tudiyijũ Jesús rūmũre.

26 Ɖmũgũre usi jedi quedicõri ĩ tunuroca yiyijũ rūmú. Ito yicõri rūmú buto awasãcõri masũre budigoyijũ ĩja. 27 Ito bajija ticõri, masa ñarocõti ucayijarã. Ito yicõri ĩnamasiti gãmeri seniĩayijarã:

—¿Ñe ñatibeti? yiyijarã ĩna. ¿Ñe ñatibeti mame ĩ riasorise? Ɖni ũmũgũ rūmũare bucõare buto masiami. Ito bajiri yiro robo cudiama rūmúa ĩre, yiyijarã masa.

28 Nocõ mejeti Jesús ito ĩ yija bero Galilea sita gãna ñarocõti masi jedicoayijarã.

Pedro mañicõre Jesús ĩ yisiore gaye
(Mt 8.14-15; Lc 4.38-39)

29 Ito yija Jesús budi wayijũ minijuara wijũ. Santiago ĩ ocabaji Juan rãca cuni wayijũ Jesús. Minijuara wijũ budi wacõri Simõn ya wijũ ejayijarã ĩna. ĩ ocabaji Andrés rãca ĩna jũarã ya wi ñayijũ iti wi. 30 Wijũ ĩna sãja ejaroca Jesure gotiyijarã ĩna: “Simõn mañicõ cõgõ yamo. Rujũ yarise cõ yosamo iso”, yiyijarã ĩna. 31 Ito yija Jesús iso tu eja rũgũcõri ĩ ya ãmona tũa jõrojoyijũ. Ito ĩ yirijuti iso rujũ yarise jedicoayijũ. Ito bajiri iti jediroca masare eca bocasũoyijo iso.

Jãjarã ñarise cutirãre Jesús ĩ yisiore gaye
(Mt 8.16-17; Lc 4.40-41)

32 Iti ñamica rãiocũroti cõrãre, ĩna ya usijũ rūmú sãñarãre cuni Jesús tu ãmi ejayijarã ĩna. 33 Iti cuto gãna ñarocõti soje tu minijuayijarã. 34 Jeyaro ñarise cõrãre yisioyijũ Jesús. Ito yicõri ĩna ya usijũ rūmú sãñarãre rūmúa bucõayijũ Jesús. Rũmúa ĩre ĩna ti masija ticõri, ĩnare busi rotibisijũ Jesús.

Minijuara wiju Jesús i riasore gaye*(Lc 4.42-44)*

³⁵ Busucũro iti rãitãroca riti masa manojua wayiju Jesús. ³⁶ I Jacu Dios rãca busirocu wayiju i. ³⁷ Ito yija Simón i baba mesa rãca Jesús manija ticõri, ire ãmarã wayijarã. ³⁷ Ire ti bujacõri ire busiyjarã ãna:

—Masa jeyaro mure ãmama, yiyijarã ãna Jesure.

³⁸ Ito ãna yibojarocati ado bajiro cudiyiju Jesús ãnare:

—Ita, gaje cutoju wato mani. Itoju Dios oca quenarise gotito mani. Itire yiari wadicu yu, yiyiju Jesús ãnare.

³⁹ Ito bajiri Galilea sitajua wayiju Jesús. Galilea sitaju ejacõri Galilea sita ñari cutoriju minijuara wiriju riaso ucuyiju Jesús. Ito yicõri ãna ya usiju rãmúa sãjanare rãmúare bucõayiju Jesús.

Rujã camì jogagũre Jesús i yisiore gaye*(Mt 8.1-4; Lc 5.12-16)*

⁴⁰ Rujã camì jogagũ ejayiju Jesús tũju. I tũju ejacõri i ya rijomunigãna Jesús riojo ñini rũjũyiju. Ito bajiro rujicõri ado bajiro josayiju Jesure:

—Mũ yũre yisio ãmojama, yũre yisiogu ya mũ, yiyiju rujã camì jogagũ Jesure.

⁴¹ Ito i yija tũocõri, ire ti maiyiju Jesús. Ito bajiri ire moaãcõri ado bajiro yiyiju Jesús ãre:

—Ãmoa yũ. Ito bajiri mure yisiogu ya yũ, yiyiju Jesús camì jogagũre.

⁴² Ito i yirocati i ya rujã camì jogarise yati jedicoayiju ãja. Quenari rujã, rujã cuticoayiju ãja. ⁴³ Ito yatiãa ticõri, bũto ãre goticõri wa rotiyiju Jesús camì jogagũre:

⁴⁴ —Tũoya mũ. Yũ mure yisiorisere goti batobesa gãjerãre. Coji wasa. Mũ ya rujũre ãõna paire. ão tũocõri Moisés ñayoru rotiado bajiroti waja yiya. Ito bajiro mũ yija ticõri, “I ya rujã camì jogarise yati jedicoajũ”, yi masirã yirãji masa mure, yiyiju Jesús ãre.

⁴⁵ Ito bajiro, “Goti batobeja”, i yibojarocati jeyaro masare goti batoyiju i: “Yũ ya rujã camì jogarisere yisioquĩ Jesús”, yiyiju. Ito bajiro i yija tũocõri, Jesús tũ jãjarã masa minijuayijarã, ãre ti ãmorã. Ito bajiri reco wa ucubisiju Jesús masa ãna tiro riojo. Masa manojũ ña ucuyiju Jesús ãja. Ito i yibojarocati jãjarã masa ejayijarã mũcana i tũ, ãre tũo ãmorã.

Rudurũre Jesús i yisiore gaye*(Mt 9.1-8; Lc 5.17-26)*

2 ¹ Yoa busariju Capernaumju tũdi ejayiju Jesús mũcana. “Wiju ñaguĩji Jesús”, masa ãna yija tũocõri, i tũ jãjarã masa minijuayijarã. ² Ito bajiri wi daja rãtacoayiju. Dijũ rũgõrajau mañiju. Soje cuni daja rãtacoayiju. Dios oca masare riasoyiju Jesús. ³ Ito bajiro masare i riasoroca mũmũa juariarã ejayijarã rudurũre ãmi ejarã. ⁴ Masa jãjarã ñaroju rudurũre ãmi ejabojayijarã ãna Jesús tũju. Ito bajiri wi tutu joeju ãre ãmi mũja wayijarã

ina. Ito yi, Jesús rügōro weca soje cudayijarā ina. Ito yicōri rudurure ī ya camana jidi rujoyijarā ina Jesús tujū. ⁵“Yure queno t̄or̄ũn̄ama ina”, yi ti masiyijū Jesús inare. Ito bajiri rudurure ado bajiro yiyijū Jesús:

—Macu, m̄a ñeñaro yirise coecoajū m̄are, yiyijū Jesús rudurure.

⁶Ito ī yirocati, judio masa rotirise riasori masa t̄oĩa rujiyijarā. Inamasijua ado bajiro t̄oĩa yijarā: ⁷“¿No yija ito bajiro busiati āni ūm̄ugū? Diore ñeñaro busiami. Gājerā ñeñaro yirisere coe masimenaji. Dios s̄iḡuti ñaguji itioni ñeñaro yirisere coe masigū”, yi t̄oĩa yijarā ina. ⁸Ito ina t̄oĩaroca Jesumasiti inare t̄oĩa masicōyijū. Ito bajiri ado bajiro inare seniāyijū ī:

—¿No yirā ito bajiro m̄ua ya ūsijū t̄oĩati m̄ua? ⁹¿No bajiro rudurure yū yija quenati m̄uare? “M̄u ñeñaro yirise coecoajū”, ¿yū yija quena ñarajada m̄ua t̄oĩa ja? “W̄um̄ña. M̄u ya cama āmi wasa”, ¿yū yija quena ñarajada? ¿Disejua ñati josasabiti m̄ua tija? ¹⁰Masa R̄ijorū ña yū. Yū masirise m̄uare iogū ya yū. “Adi sitajū masa ina ñeñaro yirisere coe masigū ñami Masa R̄ijorū”, m̄ua yi masitoni, yū masirise m̄uare iogū ya yū, yiyijū Jesús inare.

Ito yicōri ado bajiro rudurure yiyijū Jesús:

¹¹—W̄um̄ña. M̄u ya cama āmiña. M̄u ya wijū t̄udi wasa, yibū yū m̄are, yiyijū Jesús rudurure.

¹²Ito bajicōri rudurū w̄um̄yijū ī ya cama āmigū. Masa jājarā tiro riojo w̄um̄ r̄ugū, budi wayijū macūjū. Ito bajiri masa ñajediro t̄uo ūcayijarā ija. Ito bajiri Diore r̄uc̄b̄horā ado bajiro busiyijarā masa:

—Quenagūguti ñami Dios ija. Ado bajirisere t̄iabiticū mani, yiyijarā masa.

Levíre Jesús ī jire gaye (Mt 9.9-13; Lc 5.27-32)

¹³M̄ucana t̄udi wayijū Jesús itajura t̄unimajū. Jājarā masa minijuayijarā ī t̄u. Ina ejaja ticōri, Dios oca inare riasoyijū Jesús. ¹⁴Ito r̄ēta wacujū Leví wame cutigure ti bujayijū Jesús. Alfeo macū ñayijū ī. Romano masa ūjarā ye niyeru senirijū rujiyijū Leví. Inare yiari waja seni isigū yiyijū Leví. Ire ti bujacōri ado bajiro busiyijū Jesús ire:

—Yū rāca waya m̄u, yiyijū Jesús ire.

Ito ī yija t̄uocōri, w̄um̄ r̄ugūyijū Leví. Ito yicōri Jesure s̄uya wayijū ī.

¹⁵Barajū ejaroca Leví ya wijū bayijū Jesús. Gājerā jājarā Jesús rāca rujiyijarā. Ūjarāre yiari waja seni isiri masa, ñeñaro yiri masa c̄uni, ito yicōri Jesús rāca riasotirā jājarā rujiyijarā ina. ¹⁶Jesús gājerā rāca ī ba rujiroca fariseo gaye t̄oĩarā, judio masa rotirise riasori masa c̄uni inare tiyijarā. Judio masa ñayijarā ina. Ñeñaro yirā rāca Jesús ī ba rujiija ticōri, Jesús rāca riasotirāre ado bajiro seniāyijarā fariseo gaye t̄oĩarā:

—¿No yija ūjarāre yiari waja seni isiri masa rāca, ñeñaro yirā rāca bati m̄uare riasogu? yiyijarā ina inare.

¹⁷Ina ito bajiro busija t̄uocōri, ado bajiro c̄udiyijū Jesús inare:

—Queno cati quenarãma t̄co masure ãmado ma. Cõri masajua ñama t̄co masure ãmorã. Queno ñari masare jigũ meje wadibũ yũ. Ñeñaro yirãre jigũ wadibũ yũ, yiyijũ Jesús fariseo gaye t̄uoĩarãre.

Bamenati Diore r̄ucubuoore gaye

(Mt 9.14-17; Lc 5.33-39)

¹⁸Co r̄umũ Juan idé guri masũ rãca riasotirã, fariseo gaye t̄uoĩarã c̄uni Diore t̄uoĩa ãmorã babisijarã ñna. Ito bajiro ñna babeja ticõri, ado bajiro Jesure seniĩayijarã gãjerã:

—Juan rãca s̄uyarã Diore t̄uoĩa ãmorã babeama ñna. Fariseo gaye t̄uoĩarã rãca s̄uyarã c̄uni babeama ñna. ¿No yija mũ rãca riasotirãma batĩñati ñna? yiyijarã ñna Jesure tudirã.

¹⁹Ñna ito yijare c̄udiyijũ Jesús:

—Queno t̄uo masibeama mũna. Queno t̄uo masiña mũna itire. Ado bajiro bajia iti. ãmo siare gaye tijaro yirona ñna ji ñucana manajo c̄utirocũ ñ ñajare ñ rãca barã yirãji maji. ²⁰Co r̄umũ ejaro yiroja ñre ñna ñna wari r̄umũ. Iti r̄umũ ñaro yiroja ñja ñna babiti r̄umũ, yiyijũ Jesús ñnare.

²¹Saya b̄ucuro iti tadija, mamarona sere wõmenaji mani. Mamarona mani sere wõja t̄ãatu wato b̄ucuro tadiroja. Ito bajicõri jaja goje b̄usa tadi waroja ñja. Mame oca yũ riasorise c̄uni b̄ucurã oca rãca t̄uoĩa wisabesa, yiyijũ Jesús ñnare.

²²M̄ucana ado bajiro gotiyijũ Jesús:

—Uyé mame ide wecũ wirowo baju b̄ucũ baju jiomenaji mani. B̄ucũ baju mani jiojama wirowo cuducoaro yiroja. Ito yicõri idire, wirowo c̄uni j̄uajijũ godaroja. Ito bajiro uyé mame ide wecũ wirowo mama bajuna jiore ñaroja. Ito yicõri uyé ide, wecũ wirowo c̄uni corocõ ñaro yiroja, yiyijũ Jesús ñnare.

Jesús rãca riasotirã trigo ajeri beja ãmicõri ñna bare gaye

(Mt 12.1-8; Lc 6.1-5)

²³Judio masa ya tujacãra r̄umũ wesecaju wayijũ Jesús ñre s̄uyarã rãca. Ito ñna waroca riti Jesús rãca s̄uyarã weseca gaye ote beja ãmiyijarã. Itire wirori s̄iguẽ batecõri bayijarã ñna. ²⁴Ito ñna yija ticõri, fariseo gaye t̄uoĩarã ado bajiro seniĩayijarã Jesure:

—Tujacãra r̄umũ moare ma. Tite mũ. Mũ rãca riasotirã weseca gaye ote ñna beja baja, moado bajiro yama ñna. Ito bajiro ñna yija b̄ucurã oca t̄uorũnũbeama ñna, yiyijarã fariseo gaye t̄uoĩarã.

²⁵Ito bajiro ñna yibojarocati ado bajiro c̄udiyijũ Jesús:

—Co r̄umũ David ñayorũ ñ rãca gãna ñiocõ wana ñna yigore, ¿Dios oca tuti t̄iãbiticati mũna? Ado bajiro bajiyijũ iti oca: ²⁶David Dios ya wi wayijũ, paia uju Abiatar wame c̄utigũ ñ ñaroca. Ñiocõcõri Dios ya wi s̄ajacõri naju ñnasarise bayijũ David. Diore naju c̄ũ ñsire ñayijũ iti. Ito yija Diore ñsiado bajiro bajiyijũ iti. Paia ujarã riti ñna barise ñayijũ iti naju. David itire bacõri ñ rãca gãnare c̄uni ecayijũ, yiyijũ Jesús fariseo gaye t̄uoĩarãre.

²⁷Ito yicōri gaje ado bajiro gotiyijū Jesús ñnare:

—Dios cūyijū tujacāra rāmū masa yeroti yiari. Masare ñ rujeoroto riojua tujacāra rāmū menibisijū Dios. Masa rujeoja berojuare tujacāra rāmū meniyijū Dios. ²⁸Ito bajiri yū ña tujacāra rāmū roti masigū. Yū ña Masa Rijorū. Ito yicōri tujacāra rāmū tirūnugū ña yū, yiyijū Jesús fariseo gaye tñoiāre.

Ñmo digarure Jesús ñ yisiore gaye

(Mt 12.9-14; Lc 6.6-11)

3 ¹Mucana minijuara wijū sājayijū Jesús. Itoju ñayijū ũmugū ñ ya ñmo digarū. ²Fariseo gaye tñoiārā ado bajiro Jesure ti tñoiayijarā ñna: “Jane tujacāra rāmū ñabojarocati, ¿ñni ñmo digarure yisiogu yiguñjida Jesús?” yi tiyijarā ñna. “Ito bajiro ñ yija, ‘Seti ña ñre. Ñeñaro yami’, yirā yirāji mani”, yi tñoiā rujiyijarā ñna. ³Ito bajiro ñna tñoiā rujirocati ado bajiro yiyijū Jesús ñmo digarure:

—Wamūña. Yū tū eja rūgūña, yiyijū Jesús ñre.

⁴Ito yicōri ito tū ñarāre ado bajiro seniayijū Jesús:

—¿No bajiro manire cūyijari Dios tujacāra rāmū mani yiroti?

¿Quenarise, ñeñarise ito yicōri cōrāre mani yisoroti, gaje mani yisiobeja, disejua quenati? yiyijū Jesús ñnare.

Ito ñ yija cūdire meje tñoijarā ñna. ⁵Ito bajiri ñmo digarure ñna ti maibeja ticōri, ñnare junisini bujatobiti tiyijū Jesús. Ito yija ñmo digarure ado bajiro busiyijū Jesús:

—Mū ya ñmo ñu joya mū, yiyijū Jesús ñre.

Ito ñ yija tñocōri, ñ ya ñmo ñu joyijū ñ. Ito yijare ñ ya ñmo quenacoayijū mucana. ⁶Ito yija fariseo gaye tñoiārā budi wayijarā Herodes ñ ñarā rāca busirona. “¿No bajiro Jesure sīarujati?” yi gāmeri busiyijarā ñna.

Itajura tñnimaju masa jājarā ñna ejare gaye

⁷Ito yija bero Jesuama wacoayijū ñ rāca riasotirā rāca itajura tñnimaju. Galilea gāna masa jājarā sūya wayijarā ñre. ⁸“Tiyamani jaje ñoami Jesús”, masa ñna yija tñocōri, jājarā masa Jesús tū ejayijarā. ñna ñayijarā Judea gāna, Jerusalén gāna, Idumea gāna, Jordán siduja gāna, Tiro gāna ito yicōri Sidón gāna. ñre tirona ejayijarā ñna. ⁹⁻¹⁰Jājarā cōrāre Jesús ñ yisiore tñocōri, masa jeyaro ñre moaña amoyijarā ñna. Ito bajiri ñ rāca riasotirāre ado bajiro rotiyijū Jesús: “Cuma rūco yucāma mūa. Masa jājarā yūre ñna gāni biaja, cumaju sājaroce ya yū”, yiyijū Jesús ñnare.

¹¹Ñna ya usijū rūmú sāñarā Jesure ticōri ñ riojo rijomunigāna ñnini rūjūcōri awasāyijarā ñna:

—Mūti ña Dios Macū, yiyijarā ñna Jesure.

¹²Ito bajiro ñna yija tñocōri: “Ito bajiro masare goti batobesa mūa”, yiyijū Jesús ñna ya usijū rūmú sāñarāre.

Jua gubojeno apóstol mesare Jesús i besere gaye

(Mt 10.1-4; Lc 6.12-16)

¹³Ito bero turiaju maja wacōri, i āmorāre bese jiyiju Jesús. Ito bajiri i tu ejayijarā ina. ¹⁴Jua gubojeno nārāre riti jiyiju i. I rāca nāronare riti jiyiju i. Ado bajiro inare gotiyiju Jesús: “Yu ya oca goti ucurā nārā yirāji mua. Ito yicōri masare riaso ucurā nārā yirāji mua”, yiyiju Jesús inare. ¹⁵“Yu masirise muare isigū ya yu, rūmúa sāñanare rūmúare mua bucōtoni”, yiyiju Jesús inare. ¹⁶Āna nāma jua gubojeno nārā Jesús i beseana: Simón wame cutigūre gaje wame wōyiju Jesús. Ito bajiri Simón Pedro wame cutiyiju i. ¹⁷Gājerā nāyijarā Santiago, i ocabaji Juan, Zebedeo rīa nāyijarā ina. Ina jūarāre Boanerges wame yiyiju Jesús. Ina ocana yijama, “Būjo Rīa”, yireoni nāyiju. ¹⁸Gājerā nāyijarā: Andrés, Felipe, Bartolomé, Mateo, Tomás, Santiago, Alfeo macu nāyiju i Santiago, ito yicōri nāyijarā Tadeo, Simón celote gaye tuoīagoru cūni. ¹⁹Ito yicōri gāji Judas Iscariote nāyiju. Gājerā Jesure ina niatoni gotiri masu nāyiju i. Itocō nāyijarā i oca goti ucujaro yirocu Jesús i cūana.

Rūmúa uju rotirise boca āmicōri yami Jesús, ina yire gaye

(Mt 12.22-32; Lc 11.14-23; 12.10)

²⁰Inare bese tīocōri, i rāca riasotirā rāca wiju tūdi wayiju Jesús. Mucana masa jājarā minijuayijarā ina tu. Ito bajiri ba masia mano yiyijarā ina. ²¹Ado bajiro yiyijarā masa Jesure: “Jesús queno tuoīabeami ija. Mecuri masu nāmi ija”, yiyijarā ina. Itire tuocōri Jesús nārā ire jirā ejayijarā.

²²Judio masa rotirise riasori masa Jerusalén gāna ado bajiro yiyijarā ina cūni:

—I ya usiju Beelzebú rūmúa uju sāñagū nāmi i. Ito bajiri Beelzebú i masirisena rūmúa sāñanare rūmúare bucōami Jesús, yiyijarā ina.

²³Ito ina yija tuocōri, inare jiyiju Jesús. Goti masiore ocana inare gotirocu jiyiju:

—Gāji ya usiju rūmú i sāñaja, ¿no bajiro imasiti ire budigoguījida? Budigobiquīji i, yiyiju Jesús inare.

²⁴Co cuto gāna masa ina gāmeri jaja, yoari nāmenaji ina. ²⁵Masa co wi gāna, sīgūre bajiro ina tuoīabeja, yoari nāmenaji ina. ²⁶Rūmúa uju Satanás wame cutigu ricati i gotija, ito yicōri imasiti ricati i tuoīaja nā masibiquīji, yiyiju Jesús inare.

²⁷Nimūjua guamu ya wi sājacōri i ya gajeoni emabiquīji. Cajero ire siacōri, ito berojua i ya gajeoni emaroja, yiyiju Jesús inare.

²⁸Gaje ado bajiro yiyiju Jesús:

—Riti muare gotia yu. Masare ñeñaro ina yirise, ñeñarise ina busija cūni, ācabajo masiami Dios. ²⁹Ito bajibojarocati Espiritu Santore masa ina busituja, iti ñeñaro ina yirise ācabojobiquīji Dios. Iti seti susabetoja inare, yiyiju Jesús.

³⁰“I ya usiju rūmú sāñagū nāmi”, ire ina yijare, ito bajiro yiyiju Jesús.

Jesús i ñarā ado bajiro bajiama, yire gaye
(Mt 12.46-50; Lc 8.19-21)

³¹Ito yija ejayijo Jesús jaco, i ocabajirā rāca. Ejaborarāti macūju tujayjarā ina. Macūju ñacōri Jesure ji ñucayjarā ina. ³²Jesús tū ruji gānirā ire gotiyjarā, “Mū jaco ejamo”, yirona:

—Mū jaco, mū ocabajirā cūni macūju ñama ina. Mure ti āmoama ina, yiyjarā ina.

³³Ito ina yija tucōri, ado bajiro cūdiyijū Jesús:

—¿Ñimo ñati yū jaco? ¿Noa ñati yū ocabajirā? yiyijū Jesús i tū rujirāre.

³⁴I tū rujirāre ticōri ado bajiro gotiyijū Jesús ñare:

—Mūati ña yū ocabajirā. Ito yicōri muati ña yū jaco, yiyijū Jesús ñare.

³⁵No Dios rotirise cūdiguti i ñami yū ocabaji, yū ocabajio, ito yicōri yū jaco cūni, yiyijū Jesús ñare.

Oteri masu gaye Jesús i goti masiore oca
(Mt 13.1-9; Lc 8.4-8)

4 ¹Mucana tūdi riasoyijū Jesús itajura tūnimajū. Masa jājarā ejayijarā ina itojū Jesús tūjure. Masa jājarā ñajare cumajū sājacōri itojū rujijijū Jesús. Masama ñarocōti tujayjarā jajūjū. ²Ito yija goti masiore ocana ñare riasoyijū Jesús. ñare riasoguti ado bajiro gotiyijū Jesús:

³—Tūoya mūa adire: Sīgū we seca i ya ote ajeri otegu wayijū i. ⁴Wesecajū ejacōri iti ajerire i wējabateroca gaje ajeri majū quedi queayijū. Ito yija wadiyjarā minia. Wadicōri itire bacōyijarā ina. ⁵Gaje ajeri gūta wato quedi queayijū. Queno sita mañijū ito. Iti ajeri nocō mejeti judibojayijū, sita iti queno manijare. ⁶Ūmacañi mūja wadiguti itire asi siacōyijū. Ñe mari manicōri siniacoayijū iti. ⁷Gaje ajeri jota watojū quedi queayijū. Ito bajiri jota mari itire dūrea siacōyijū. Ito bajiri queno bucua masibisijū iti. Ito yicōri queno rica mañijū. ⁸Gaje ajeriyū sita quenaro quedi queayijū. Ito yicōri judiyijū iti. Queno wanuyijū iti. Ito bajicōri queno rica cutiyijū. Coria sarari treinta ñari ajeri rica cutiyijū. Gaje sarari sesenta ñaricari, gaje sarari cien ñaricari rica cutiyijū, yi gotiyijū Jesús ñare.

⁹Ito yija ado bajiro yiyijū Jesús ñare:

—Itocō ña. Gāmo goje cutirā mūa ñaja, tūoya, yiyijū Jesús ñare.

¿No yija goti masiore ocana masare riasoati mū? ina yi seniāre gaye
(Mt 13.10-17; Lc 8.9-10)

¹⁰Ito bero Jesús sīgūti i ñaroca i tū ñarā i rāca riasotirā rāca minijuacōri ado bajiro ire seniāyjarā ina: “¿No yireoni ñati? ‘Sīgū oteri masu ñayijū’, mū yirise”, yiyijarā ina ire. ¹¹Ito ina yija tucōri, cūdiyijū Jesús:

—“Ado bajiro ire tūorūnūrāre miojugū yigūiji Dios”, yi gājerā ina masibitire mūajūa masiroca yami i. Gājerāma Diore tūorūnūmena goti masiore oca



(San Marcos 4.3-9)

tuobojarāti tuo masimenaji ĩna. ¹²Ĩna tibojaja bero timenare bajiro bajirā yirāji ĩna. Ito yicōri ĩna tuobojaja cūni tuomenare bajiro bajirā yirāji ĩna. Ito bajiri tuo masibiticōri Diore tuorūnu suyamenaji ĩna. Ito yicōri ñeñaro ĩna yirisere Diore ĩna goti rētohubēja ñeñaro ĩna yirisere coebiquiji Dios, yiyiju Jesús ĩnare.

Ado bajiro bajia oteri masu ye, yi Jesús ĩ goti quenore gaye

(Mt 13.18-23; Lc 8.11-15)

¹³Mucana tūdi busiyiju Jesús ĩnare:

—“Oteri masu sigū ado bajiro bajiyiju”, yirocu jiju muare yu gotija, ɔtuo masibeati mua? Iti oca gotire mua tuo masibeja, gaje yu gotiroti cūni tuo masimena yirāji mua, yiyiju Jesús ĩnare.

¹⁴Gaje ado bajiro ĩnare goti rētobuyiju Jesús:

—Oteri masu Dios oca goti ucuri masu robo bajiro bajigu ñami. ¹⁵Coriarā masa ñama, ma gudareco ote ajeri quediana robo bajirā. Dios oca tuorāji ĩna tuorea. Ito bajibojarocati ĩna tuoja bero rūmú ejacōri ĩna ācabojaroca yigu yiguji ĩnare. ĩna ya usiju ĩna tuo āmisāre ĩna ācabojaroca yigu yiguji rūmú. ¹⁶Gājerā masa ñama, gūta wato ote ajeri quediana robo bajirā. Dios oca tuocōri wanu quenaro boca āmiyijarā ĩna. ¹⁷Ito bajibojarocati Dios oca queno quedi sājabea ĩnare, queno ñe mari manore bajiro. Ito bajiri ĩnare oca ñaja, gājerā ĩna ti teja, nocō mejeti Dios oca ĩna tuobojare ācabojarāji ĩna. ¹⁸Gājerā masa ñama

jota wato ote ajeri quediana robo bajirã. Dios oca tuorãji ñna tũorea. ¹⁹Itire tuocõri ruje tũoĩarã yirãji ñna. Adi sita gaye, adi macãrucũro gaye ruje gajeoni tũoĩarãji ñna. Ito bajicõri gajeoni jai busaro ãmorã yirãji ñna. Gajeonijũare buto tũoĩacõri Dios ocare ãcabojarã yirãji ñna. ²⁰Gãjerãma Dios oca tuocõri, queno tuo sũyarãji ñna. Ñna ñnama sita quenarijũ quediana robo bajirã. Rica jairo rica cutiricu robo bajiro bajirã ñnama ñna. Corocõ meje ñnarãji ñna. Coriarã Dios oca tuocõri Dios ã amorise jabetoti yirãji. Gãjerã Dios ã amorise jai busaro yirãji. Gãjerã Dios ã amorise buto tũoĩarãji ñna. Ito bajiri queno ñre moa ñsirã yirãji ñna. Ñnaõna ñnarãji jairo rica cutiricu robo bajiro bajirã, yiyijũ Jesũs ã rãca riasotĩrãre.

Ado bajiro baja sãabusuoraga, yi Jesũs ã riasore gaye
(Lc 8.16-18)

²¹Mũcana gaje goti remoyijũ Jesũs ñnare:

—Mujura jãĩ mani sãsuaja, sotũ rocajũ sãsuamenaji mani. Ito yicõri canira casabo rocajũare mujura jãĩ sãsuamenaji mani. Mujura jãĩ mani sãsuaja ãmacãjũ sãsuarã yirãji mani, jeyaro iti busutoni. ²²Yeyo cũre ñabojaroti, co rũmũ goaro yiroja. Ñna yeyo gotibojarise cũni yoari yeyomenaji ñna. Co rũmũ masa tuo buja jedirã yirãji ñna. ²³Queno tuoya mũa gãmo goje cutirãma, yiyijũ Jesũs.

²⁴Mũcana tũdi goti quenoyijũ Jesũs ñnare:

—No ñre tuorũnũgũre jai busaro tuo masire gaye jidicãgũ yiguĩji Dios. Ito bajiri jai busaro masigũ yiguĩji ã. No ñre tuorũnũbicũre jabetacã ã tũoĩabojarisere ãmacõgũ yiguĩji Dios ñre. Ito bajiri ñe tũoĩare mano tujagũ yiguĩji ã. ²⁵Tuo masigũ buto busa tuo masigũ yiguĩji. Tũo masibicũama ãcabojagũ yiguĩji ã tuobojare, yiyijũ Jesũs ñnare.

Ado bajiro baja ote gaye, yi Jesũs ã riasore gaye

²⁶Mũcana gaje goti masiore ocana masare riasoyijũ Jesũs:

—“Ñre tuorũnũrãre ã rotirojũ miojugũ yiguĩji Dios”, yire oca ado bajiro baja iti. Oteri masũ ote ajeri ã oteado bajiroti baja iti. Tũote mũa. ²⁷Co ñami rũyabeto canigũ yiguĩji oteri masũ. Ito yicõri co ãmũa rũyabeto yujiguĩji ã. Ito yicõri ote ajeri judiroja. Judicõri bucũaroja. Iti bucũa mũjarisere, ¿no bajiro bucũati iti? yi masibiquĩji oteri masũ. ²⁸Sitaretĩ judiroja iti ajeri. Cajero judiroja rujagũ, jãibitignacã. Ito bero bucũa mũjacõri jũ cutiroja. Ito bajicõri rica cutiroja. ²⁹Iti ote botija ticõri, “Ãmirũja yũ”, yi tũoĩacõri itire ãmigũ wacũ yiguĩji ã. Ñre tuorũnũrãre Dios ã miojuja ito bajiroti baja. “Yũre queno tuorũnũama ñna”, yi tũoĩacõri ñre tuorũnũrãre miojugũ yiguĩji Dios, yiyijũ Jesũs ñnare.

Ado bajiro baja mostaza ajeri, yi Jesũs ã riasore gaye
(Mt 13.31-32; Lc 13.18-19)

³⁰Mũcana ado bajiro gotiyijũ Jesũs:

—¿No bajiro bajiatĩ, “Ñre tuorũnũrãre miojugũ yiguĩji Dios”, yire oca? ¿Ñe gaje ocana itire cõĩarãjida mani? ³¹Mostaza ajeri sitajũ oteado bajiro

bajia, “Ïre tuorũnurãre miojugu yiguĩji Dios”, yire oca. Rica jeyaro ajeri ruja busarise ña mostaza ajeri. ³²Ito bajibojarocati iti aje judi bucucãcõri gaje ote gaye rãto busaro ùmaricu ña. Rujuri yoarise ña itigure. Ito bajicõri jesarãji minia ùmacañi ï asirise rudirã, yiyiju Jesús ïnare.

Goti masiore ocana Jesús ï riasore gaye

(Mt 13.34-35)

³³Masare Dios oca riasogu, goti masiore ocana riasoyiju Jesús. “Queno tuo masibeama”, yi masicõri itocõ goti tarojoyiju Jesús ïnare. ³⁴Goti masiore ocana riti masare riasoyiju Jesús. Ï sīgũti ï rãca riasotirã rãca ñagũ, goti masiore oca gaye queno goti rãtobuyiju Jesús ïnare.

Mĩnõre, jacũrisere cuni Jesús ï rãtore gaye

(Mt 8.23-27; Lc 8.22-25)

³⁵Iti rumũti rãiocũro ñaroca ado bajiro yiyiju Jesús:

—Sidũja jãa wato mani, yiyiju Jesús ï rãca riasotirãre.

³⁶Ito ï yija tuocõri: “Waju”, masare yicõri, Jesús ï sãñari cumaju eja sãjayijarã ïna. Ito bajiri itiganati Jesure ãmi wayijarã ïna. Gaje cumari gãna cuni ïnare baba cuti wayijarã. ³⁷Ito ïna jãa waroca mino buto wãayiju. Jacũrise cuni buto jacũ sãjayiju cumaju. Ito bajiri ide dajacoayiju cuma ïja. ³⁸Ito bajibojarocati Jesús ï ya rijoga jeadona cani sãñayiju, cuma usi tutuju. Ito bajiro ï canija ticõri, ïre yujioyijarã ï rãca riasotirã:

—Tuoya guare Riasogu mu. Rujarã ya mani. ¿Guare mai codebeati mu? yiyijarã ïna Jesure.

³⁹Ito ïna yija tuocõri, yuyiyiju Jesús ïja. Yujicõri ado bajiro yiyiju ï:

—Wãabesa, yiyiju Jesús minõre. Jacũ jidicãña, yiyiju Jesús ide jacũrisere.

Ito ï yirocati mino rãtacoayiju ïja. Ide cuni jacũbiticoayiju ïja. Quenaro tujacoayiju ïja. ⁴⁰Ito bajirocati:

—¿No yirã guĩati mua? Guĩbesa. ¿Yure tuorũnubeati mua? ¿Yu masirisere tuoĩabeati mua? yiyiju Jesús ï rãca riasotirãre.

⁴¹Ito bajiro ï yibojarocati buto tuo ucayijarã ïna:

—¿Ñimũ ñati ãniamã? Minõre rãta rotiami. Mino cuni, ide cuni ïre tuoã, yiyijarã Jesús rãca riasotirã.

Gerasa gagu rũmũ sãñagũ oca

(Mt 8.28-34; Lc 8.26-39)

5 ¹Jesús ïre suyarã rãca sidũja Gerasa sitaju jãa ejayijarã ïna. ²Jesús eja ï maja waroca ïre bocayiju gãji. Ï ya usiju rũmũ sãja ecorũ ñayiju. Masa yujeadoju ñacõri Jesús tu ejayiju ï. ³Masa godana ïna yujeadoju ñayiju ï ñaro. Ïre sia seõbisijarã gãjerã come mana. ⁴Ï ya gũbo tũgã ï ya ãmore cuni siabojayijarã ïna. Ïre ïna siabojarocati coji meje tunu ruacõsotiyiju ï. Ïre tua yi masibisijarã masa. ⁵Ïmũã, ñami cuni wa ucuyiju ï. Tũria joeju cuni, masa yujeadoju cuni wa

ucuyijũ ĩ. ĩ wa ucurojũ bũto awasã ucuyijũ ĩ. Ito yigũ gũtana yijeyijũ ĩmasiti. ⁶Ito ĩ bajiroca Jesure ti ñucacõri ũmaquedi wayijũ ĩ Jesús tũjũ. Jesús tũ ejacõri ĩ riojo rijomunigãna ñini rũjũyijũ ĩ, ĩre rũcubũogũ. ⁷⁻⁸ĩ ejaja ticõri, ado bajiro yiyijũ Jesús:

—Tũoya rũmũ mũ. Ānire ĩ ya usijũ ñagũ budiya mũ, yiyijũ Jesús rũmũre.

Ito ĩ yijare:

—Jesús, Dios Macũ ña muãma. ¿Yũre no bajiro yigũ yigũjada mũ? Dios yũre tiro riojo busia yũ. Yũre juniro yibesa mũ, yi josayijũ ĩ Jesure.

⁹Ito ĩ yiroca ado bajiro yiyijũ Jesús ĩre:

—¿Ñe wame cutiati mũ? yiyijũ Jesús.

Ito ĩ yija:

—Jãjarã wame cutia yũ, jãjarã rũmũa gua ñajare.

¹⁰“Adi sita sõjũa wasa”, guare yibesa mũ, yi josayijũ rũmũ Jesure. ¹¹Ito bajiroca tũriaju jãjarã ba rũgõ ucuyijarã ecana yesea. ¹²ĩnare ticõri ado bajiro yiyijarã rũmũa Jesure:

—“Ecana yesea ĩna ya usijũ sãjaña mua”, guare yiya mũ, yi josayijarã ĩna Jesure, yeseare sãja ãmorã.

¹³Ito ĩna yija ticõri: “Itojũ wasa mua”, yiyijũ Jesús ĩnare. Ito ĩ yija ũmũgũre sãñabojana rũmũa budicoayijarã ĩja, yesea ya usijũ sãja ãmorã. Ecana yesea dos milcõ ñayijarã ĩna. Ito ĩna ya usijũ rũmũa sãja ecocõri bũto ũmaquedi wayijarã yesea. Gũtagãri joejũ mũja wacõri quedi sãja wayijarã rujarajũ. Ito bajiri ĩna ñarocõti ruja jedicoayijarã ĩna.

¹⁴Ito bajiri yeseare codebojarã ũmaquedi wacoayijarã ĩna. Iti bajirisere gotiyijarã ĩna gãjerãre. Jaja cuto cuni, jaibiti cuto cuni masare itire gotiyijarã ĩna. Ito bajiri, “¿Ñe rãtati?” yirona tirã wayijarã masa. ¹⁵Jesús tũ ejacõri, rũmũa sãja ecobojarũre tiyijarã ĩna. “Jãjarã rũmũa sãñarũ ñabojaguti, ĩ ya usijũ rũmũa budigorũ ñami ĩja”, yi ti masiyijarã masa. Jesús tũ rujigu yutabujũ ĩ sãnarocajũ tiyijarã ĩna. Rũmũa ĩna sãñaja tuo masigũ meje ñayijũ maji. Quenari usi, usi cutigu ĩ tũoiarise queno tuo masigũ ñayijũ ĩja. Ito ĩ bajija ticõri, bũto gũiyijarã masa. ¹⁶Ito bajiro iti rãtaja ticõri, rũmũa budigorũ ĩ bajirise, ecana yesea ĩna bajirise cuni gãjerãre gotiyijarã ito gãna. ¹⁷Ito bajiri Jesure gũicõri ĩna cutore ĩ budigotoni ĩre josayijarã ĩna.

¹⁸Ito Jesús cumajũ ĩ sãnaroca rũmũa budigorũ ado bajiro yiyijũ ĩre: “Mũ rãca wa ãmoa yũ cuni”, yi josayijũ ĩ Jesure, ĩ rãca warocũ. ¹⁹Ito bajiro ĩ yibojarocati ado bajiro yiyijũ Jesús ĩre:

—Yũ rãca wabesa. Mũ ya wijũ tudĩ wasa. “Yũre ti maicõri, yũre queno yimi Dios”, yi gotiba mũ ñarãre, yiyijũ Jesús ĩ ya usijũ rũmũa budigorũre.

²⁰Ito Jesús ĩ yiroca rũmũa budigorũ tudicoayijũ. Jũa dũjamocõ cutorijũ goti ucuyijũ ĩ. Rũmũa ĩ ya usijũ sãñanare Jesús ĩ bucõare gaye goti ucuyijũ ĩ. Ito bajiri iti bajirisere tũocõri uca jedicoayijarã masa.

Jairo macore Jesús i yisioire gaye

(Mt 9.18-26; Lc 8.40-56)

²¹ Ito yija bero Jesús tūdi jēa wayijū cuma jajocana. Itajura tūnima Jesús i rūgōroju jājarā masa minijuayijarā i tū. ²² Ito bajirocati minijuara wi ɛju ejayijū Jesús tū. Jairo wame cūtiyijū i. Jesure ticōri i riojo rijomunigāna nīni rūjūyijū Jairo. ²³ Ito bajiro rujićōri ado bajiro Jesure josayijū i:

—Yū maco cōgō yamo. Iso catire āmoa yū. Ito bajiri isore moaīagū waya mū, yiyijū i Jesure.

²⁴ Ito bajiro Jairo i yija tūocōri, i rāca wayijū Jesús. Jājarā masa ire sūya wacōri bidiro űayijarā ina. ²⁵ Ina wato romio űayijō. Iso űayijō romia űarise cōgō. Jūa gūbojeno rodori tūjayijū iso cōroca riti. ²⁶ Jājarā ɛco masa ɛco yibojayijarā isore. ɛco waja niyeru iso rucorise isi jeocōyijō ɛco masare. Ina ɛco yibojarocati buto busa cō wayijō iso ija. ²⁷ Gājerāre Jesús i yisioire gaye tūo būjayijō iso. Ito bajiri jājarā masa rāca űayijō iso Jesús judojua. ²⁸ “Jesús ya yutabujure yū moaīajama catigoja yū”, yi tūoīayijō isomasijūama. Ito bajiri i ya yutabujure moaīayijō iso. ²⁹ I ya yutabujure iso moaīarocati rī tadicoayijū isore ija. Iso ruju űarise iti rētaja tūoīa masiyijō. ³⁰ Jesure iso moaīaja bero, “Yū masirisena yisicoajū isore”, yi tūoīayijū Jesús. Ito bajiri juda ticōri ado bajiro masare seniīayijū i:

—¿Nimo yū ya yutabujure moaīari? yiyijū Jesús inare.

³¹ Ito i yija i rāca riasotirā ado bajiro yijijarā:

—Mū tūju jājarā űama mure moaīarā. ¿No yigū seniīati mū? “Nimo yū ya yutabujure moaīari”, ¿yi seniīati mū? yijijarā ina Jesure.

³² Ito ina yibojarocati ire moaīagōre ti āmayijū Jesús. ³³ “Yū űa ire moaīagoro”, yiroco buto nūruoyijō iso Jesure gūigo. Gūibo jagoti rijomunigāna nīni rūjūyijō iso Jesús riojo. Ito bajicōri űajediro bajirisere gotiyijō iso Jesure. ³⁴ Iso ito yija tūocōri, ado bajiro yiyijū Jesús:

—Maco, tūoya mū. Yūre mū tūorūnūjare mure yisiobū yū. “Jesure yū moaīajama catigo yigoja yū”, mū yi tūoīajare mure yisiobū yū. Ito bajiri mure rī tadicoajū. Wanū quenagō, cati quenagō wasa mū, yiyijū Jesús isore.

³⁵ Ito bajiro isore i yirocati minijuara wi ɛju Jairo wame cūtigū ya wi gāna ejayijarā. Ado bajiro Jairore gotiyijarā ina:

—Mū maco godacoamo. “Yū macore yisioyū waya”, yi josabesa Riasori masure ija, yijijarā ina Jairore.

³⁶ Ito ina yibojarocati:

—Gūibesā. Itoti yū masirisere tūoīaűa, yiyijū Jesús ire.

³⁷ Gājerāre sūya rotibisijū Jesús. Pedro, Santiago, Juan cūni Santiago ocabaji, ina ɛdiarāreti sūya rotiyijū Jesús. ³⁸ Minijuara wi ɛju, ya wi tū ejacōri, buto ina otija tūoyijū Jesús. ³⁹ Ito bajiri wi sājacōri ado bajiro yiyijū i:

—¿No yirā otīati mūa? Macocā cōgō meje yamo iso. Canigō yamo, yiyijū Jesús otirāre.

40 “Ûsi jedicoañi iso”, yi masicõri Jesure ajayijarã ñna. Ito bajiro ñna yija ticõri, budi rotiyijũ Jesús ñnare. Ito yicõri macoacã ya sõa sãjayijũ Jesús. Iso jacusabatia rãca, ñre sũyarã ùdiarã rãca sãjayijũ Jesús. Ñna rãca sãjacõri macoacãre busiyijũ Jesús. 41 Iso ya ãmore ñia tũa wũmũocõri ado bajiro yiyijũ Jesús:

—Talita cumi, yiyijũ Jesús isore. Masa oca yireoni bajiro: “ ‘Macoacã, wũmũña’, mure yibu yũ”, yireoni ña iti.

42 Ito ñ yirocati wũmũ wayijo iso. Jũa gũbojeno rodoricõ tũjago ñayijo iso. Tũdi iso catija ticõri, bũto ùcayijarã masa. 43 Ito bajiri ado bajiro ñnare rotiyijũ ñ: “Gãjerãre iti bajirisere gotibesa. Isore ecaya mũa”, yi rotiyijũ Jesús ñnare.

Nazaretjũ Jesús ñ ware gaye

(Mt 13.53-58; Lc 4.16-30)

6 1 Iti cõtore budi wayijũ Jesús. Budi wacõri ñ ya cũto ñasarijũ ejayijũ Nazaret wame cõtirojũ. Ñ rãca riasotirã cuni wayijarã ñ rãca. 2 Ito bajiri tujacãra rũmũ ñaroca masare riasosũoyijũ Jesús minijuara wijũ. Ñre tũocõri, “Bũto masigũ ñami ñ”, yirona ùcayijarã ñna. Ito bajiri ado bajiro yiyijarã masa Jesure tũocõri:

—¿No bajicõri bũto tũo masiati ãni? ¿Ñimũ ñre riasoyijari? ¿No bajicõri ñ bũto tũo masirise ñati ñre? Ñmasiti guijoro bajiami. Cõrãre ñ moaiarocati ñarise rõtacoajũ, yiyijarã ñna Jesús ya cũto gãna. 3 Gaje ado bajiro yiyijarã ñna: Ñti ñami adoju yucu yijeri masũ. María macũ ñami ñ. Ito yicõri Santiago, José, Judas, Simón mesa rijorũ ñami ñ. Ñ ocabajirã romia cuni ado gãna ñama ñna, yiyijarã Jesús ya cũto gãna.

Ito bajiro ñna yija tũocõri, Jesure boca ãmbisijarã ñna. 4 Ito ñna yibojarocati ñnare busiyijũ Jesús:

—Diore goti ñsiri masure rũcũbuorã yirãji masa jeyaro. Ito bajibojarocati ñ ya cũto gãna, ñ ñarã, ñ ya wi gãna cuni rũcũbuomenaji ñna. Ñ ñarã ñre tũomenaji ñna, yiyijũ Jesús.

5 Ito bajiri Jesure ñna tũobejare tiyamani yi ñoado mañijũ Jesús. Ito bajibojarocati coriarãre ãmo moa jeocõri ñna ñarise rõttoyijũ Jesús, jãjarãre meje. 6 Ñ ñarã ñre ñna tũorũnũbeja ticõri, “Ayu, ¿no yirã tũorũnũbeati ñna?” yi tũoĩayijũ Jesús. Ito yija gaje cõtorigũ wayijũ Jesús masare riaso ucugu wacu.

Dios oca ñna goti ucutoni ñ rãca riasotirãre Jesús ñ cõare gaye

(Mt 10.5-15; Lc 9.1-6)

7 Ñ rãca riasotirãre ji wayijũ Jesús. Jũa gũbojeno ãmũa ñayijarã ñna. Gãjerãre riasojaro yirocũ, ñnare cõayijũ Jesús. Co cũto rũyabeto jũarã riti cõayijũ Jesús ñnare. Ito yicõri ñ masirise jidicãyijũ Jesús ñnare, “Rãmũare bucõama mũa cuni”, yirocũ. 8 Ito yicõri ñ rãca riasotirãre ado bajiro rotiyijũ Jesús: “Mũa goti ucurã waja mũa ya gajeoni ãmi wa yibesa. Najuro, tura baju, niyerure cuni ãmi wa yibesa. Tueragu riti ãmi wasa, mũa bogaja itigũna tue waja. 9 Gũboco sãñacõri, yutabuju co bujuti sãña wasa. Mũa sãñarise riti ãmi wasa”, yi rotiyijũ Jesús ñnare. 10 Gaje ado bajiro ñnare rotiyijũ Jesús:

—Cutori mua goti ucurã waja, mua ejari wi co witi ñacõama. Gaje wi, gaje wi wabeja. Gaje cutoju warã riti warã yirãji mua. ¹¹ Gaje cutori mua waja, masa muare cudibeja, Dios oca ña tuo amobeja, itocõti ñare jidicãma. Ñare jidicãcõri ado bajiro yiba. Mua ya gubojũ sita wãrisere ja bateba ña ñarijũre warã. Ito bajiro mua yija ticõri: “Bujato ya mani ñare. Queno yibea mani ñare”, yi tuoĩarã yirãji ña, yiyijũ Jesús i rãca riasotirãre.

¹² Jesús i gotirere tuocõri masare gotirona wayijarã ña: “Ñeñaro mua yirise jidicãcõri Diore tuorũnũña”, yiyijarã ña masare. ¹³ Masare ña ya usijũ rãmúã sãnanare, rãmúare bucõayijarã ña. Ñarise cõrã jãjarãre úye jio guvijarã ña. Ito bajiro yicõri ña ñarisere rẽtoyijarã ña.

Juan idé guri masũ i godare gaye

(Mt 14.1-12; Lc 9.7-9)

¹⁴ Masa jeyaro busijarã Jesús i masiro robo i yire gaye. Masa ña busire tuocõri iti cuto gagũ ujũ Herodes cuni, masijijũ Jesús i masiro robo i yire gaye. Itire oca tuocõri ado bajiro busijijũ Herodes:

—Juan masare idé guri masũ ñaguĩji mucana, yiyijũ i. Mucana tujacõri i masiro robo i yirisere yiguĩji, yiyijũ Herodes.

¹⁵ Gãjerãma ado bajiro yiyijarã:

—Diore goti isiri masũ Elfas ñayorũ ñaguĩji mucana, yiyijarã ña. Ito ña yibojarocati gãjerã ado bajiro yiyijarã mucana:

—Diore goti isiri masũ jane mejeju ñayorũ ñaguĩji gajea, yiyijarã ña.

¹⁶ Ito bajiro masa ña busija tuocõri, ado bajiro cudijijũ Herodes:

—Juan ñaguĩji gajea. “Iti rãmujũ i ya rijoga jatateña ire”, yicũ yũ. Iti rãmũ yũ sĩa rotija bero mucana tãdi tujacõaguĩji gajea, yiyijũ Herodes.

¹⁷⁻¹⁸ Juan i sĩa ecoroto riojua, ado bajiro Herodesre busi tudijijũ i:

—Mũ ocabaji Felipe manojore rucobesa mũ. Ito bajiro yibitirujã mũ, yiyijũ Juan Herodesre.

Felipe manojõ ñabojaro Herodías wame cutiyijõ iso. Herodes buto amoyijũ isore. Ito bajiri Juan ito bajiro i yija tuocõri, ire ñia rotijijũ Herodes i ya surarare, ire ña tubiatoni.

¹⁹ Ito bajiro Juan i busija tuocõri, Herodías buto tuo tudijijõ ire. Ire sĩa amobojayijõ iso. No bajiro ire sĩa masia mañijũ isore. ²⁰ Quenarise riti tuoĩagũ ñayijũ Juan. Ito yicõri queno usi cutigũ ñayijũ i, Dios i tija. Itire ticõri Juanre queno rucubũoyijũ Herodes. Ito bajiri Juanre camotayijũ i, Herodías sĩame yirocũ. Juan i busirisere tuo oca jaijojaguti ire buto tuo wanuyijũ Herodes. ²¹ Co rãmũ i ñara rodo gãni biajare basa meni rotijijũ Herodes. I ya moari masa ujarã rãca, ito yicõri surara ujarã rãca, Galilea ñari masa rãca cuni ña rãca basa menijijũ Herodes. Ña basa wijari rãmũ Juanre sĩaroco tuoĩacõyijõ Herodías. ²² Iso maco ñare basa ñoyijõ ña wanũtoni. “Quenoguti yũre basa ñoamo iso”, yi tuoĩayijũ Herodes. Ito bajiri ado bajiro yiyijũ isore:

—¿Ñe mũre isigũti yũ mũ basare waja? Mũ amõrise yũre seniña.

²³Mu senija yu gajeoni rucorise gudarecona mre isicuja yu. Adi cuto gagu wju nacõri, mu senija gudarecona isicuja yu. Bugu meje ya yu adire. Ri ya yu, yiyiju Herodes Herodías macore. ²⁴Ito i yija tuocõri, iso jacore seniagõ wayijo iso:

—¿Ne gajeoni ire senigõti yu, cana? yiyijo iso.

Ito yija:

—“Juan masare idé guri masu ya rijogare amoa yu”, yiba Herodesre, yiyijo Herodías iso macore.

²⁵Ito bajiro jaco gotija tuocõri, usirio wayijo iso wju Herodes taju. Ire ado bajiro gotiyijo iso:

—Adocãtati Juan ya rijoga amoa yu. Somotõrona jeocõri yure isina, yiyijo iso ire.

²⁶Ito yija Herodes bato bojori bujayiju itire tuocõri. Juanre sia amobitobojayiju i. Ito yicõri isore maño amobisiju i. Masa ina tiro riojo, “Mu amoriseti mre isicuja”, i yicare njajare, iso seniro bajiroti isiyiju i isore. ²⁷Ito bajiri Juanre sia amobitobojaguti, ejori oca i ya moari masure Juanre rijoga jata rotiyiju Herodes. Ito bajiro i rotija tuocõri, tubiara wi wayiju Juan ya rijoga jatagu wacu. ²⁸Ito ejacõri Juan ya rijoga jata, somotõroju jeocõri ami wayiju i. Ami wacõri basari masore isiyiju i. Isoju ija iso jacore isiyijo.

²⁹Juanre siare gaye tuocõri, i rãca riasotiana i ya rujure amirã ejayijarã. Ito yicõri ire yujeyijarã ina ija.

Cinco mil ñarãre Jesús i ecare gaye

(Mt 14.13-21; Lc 9.10-17; Jn 6.1-14)

³⁰Mucana tãdi ejacõri Jesús rãca minijuayijarã i oca goti ucurã ejana. Ito bajiri ina riaso ucure gotiyijarã ina Jesure. Ina tiado bajiroti ñarocõti goti jeoyijarã ina Jesure. ³¹Jãjarã masa warãtibe, tãdi warãtibe, yi ñayijarã masa. Ito bajiri Jesús ire suyarã cuni ba amobojayijarã. Dijũ barajau mañiju ñare. Ado bajiro yiyiju Jesús i cunare:

—Ita, wato. O, masa ina manojũ tujacãto mani, yiyiju Jesús ñare. ³²Ito yija jajocana wayiju Jesús masa manojũ. I cunana cuni wayijarã i rãca. ³³Masa jãjarã tiyijarã ina waja. Jesús, i cunare cuni ti masiyijarã masa. Ito bajiri ina wagoja ticõri, boeju ãmaquedi wayijarã masa. Jesús i cunana rãca ina ejaroto riojuaju ejayijarã masa, bato wacõri. ³⁴Cumana ejacõri maja wacuti jãjarã masare ti bujayiju Jesús. Oveja codegu mano bajiro bajiyijarã masa i tija. Ito bajiri ñare ti maiyiju i. Ito bajiri masare ti maicõri ñare riasosuoiyiju Jesús. ³⁵Ñamicaju ñaroca Jesure busirona i tu ejayijarã i rãca riasotirã. Ado bajiro yiyijarã ina:

—Ñamicaju ñacoaju ija. Queno masa mama adore. ³⁶Ito bajiri masa ina cutoju tãdi wajaro. Oju ina ñaroju bare gãme barã wajaro. Bare ma ado. Ito ñaroja, naju gãme baraju, yiyijarã ina Jesure.

³⁷Ito yija ado bajiro yiyiju Jesús ñare:

—Masare ecaya mua, yiyiju i.

Ito yija ĩja, ĩ rāca riasotirā ado bajiro ĩre seniāyijarā ĩna:

—¿Gua bare gāmerā warājida, jairo waja rūcūrisere? Masa jaijare najuro waja tĳjabea, yiyijarā ĩna Jesure.

³⁸ĩna ito yija tuocōri, ado bajiro ĩnare seniāyijū Jesús:

—¿Nocō naju rūcoati mua? Titēña maji, yiyijū Jesús ĩ rāca riasotirāre. Itire ticōri ire gotiyijarā:

—Co dūjamocō ña iti naju. Ito yicōri wai cūni jūarā ñama, yiyijarā Jesure.

³⁹Ito yija ado bajiro masare yiyijū Jesús: “Rujaria buri ruji wasa ta quenarise joeju”, yiyijū Jesús masare. ⁴⁰Ito bajiro ĩ yija tuocōri, rujaria buri ruji wayijarā masa. Co bure ñayijarā cincuenta ñarā, gājerā cien ñarā rujisosa wayijarā masa.

⁴¹Ito yija naju co dūjamocō ñarisere, wai jūarāre cūni āmi rūcoyijū Jesús ĩ ya āmona. Iti rūcōcōri macārūcūroju ti mūoyijū ĩ: “Queno ya Cūna ma”, yiyijū Jesús Diore. Ito yicōri najuro wē jea batoyijū ĩja. Ito yicōri ĩ rāca riasotirāre ĩsiyijū Jesús.

“Masare batoya”, yirocū ĩsiyijū Jesús. Wai jūarāre batoyijū Jesús masa ñarocōti ĩna batoni. ⁴²Ito bajiri masa jeyaro bayijarā. Yaji quenaro ñayijarā masa ĩja iti bacōri. ⁴³ĩna yaji rētarisere jua gūbojeno jiburijū miosā dajoyijarā ĩna ba ruarisere.

⁴⁴Jājarā ñayijarā masa, najuro waire cūni barā. Cinco milcō ñayijarā ĩna ũmua.



(San Marcos 6.40)

Ide joe Jesús ĩ ware gaye
(Mt 14.22-27; Jn 6.16-21)

⁴⁵Ito yija ĩ rāca riasotirāre ado bajiro yiyijũ Jesús:

—Cuma sājacōri sidũja jĕa wasa. Itoju Betsaidaju yure yuba, yiyijũ Jesús ĩnare. ĩna jĕa waroca masare ware goti ñayijũ Jesús. ⁴⁶ĩnare ware goticōri turiaju maja wayijũ Jesús, Diore busirocu. ⁴⁷Rāiocũro itajura gũdarecoti tũjayijũ cuma maji. Ito bajiri Jesuama itajura tũnima rũgōcōri ti ñucayijũ ĩnare. ⁴⁸Jesús ĩ tija bũto weabojayijarā ĩna. Mino bũto iti wĕa tuojare josari wea wabojayijarā ĩna. Ito bajiri busucũro ide joena wacōri ĩna tũ eja wayijũ Jesús. Ito bajibojarocati ĩnare rĕta wacu bajiro eja wayijũ ĩ. ⁴⁹⁻⁵⁰Ide joe ĩ waja ticōri, bũto awasāyijarā ĩna ũcarā. “Masũ wũjo ñaguĩji”, yi tũoāyijarā ĩna. ĩna ũcaja ticōri, ado bajiro yiyijũ Jesús:

—Oca sĕoña mũa. Gũibesasa mũa. Yũti ña, yiyijũ Jesús ĩnare.

⁵¹Ito cōti ĩna rāca cumaju sāja ejacoayijũ Jesús ĩja. ĩ sājarcoti mino rĕtacoayijũ. Ito bajiri bũto ti ũcayijarā ĩna itire. ⁵²Bare jabetacāna jājarā masare Jesús ĩ ecaja tibojarāti, “Dioti ñami ĩ”, yi masibisijarā ĩna maji. “Tiyamani ĩo masigũ ñami Jesús”, yi āmōbisijarā ĩna. Queno tũo masibisijarā maji.

Genesaret sita gānare Jesús ĩ yisiore gaye
(Mt 14.34-36)

⁵³Itajura jĕacōri Genesaret wame cutiri sitaju ejayijarā ĩna. Itoju cumare sia cũyijarā ĩna. ⁵⁴Cuma ĩna sia majaroca Jesure ti masiyijarā masa itiju gāna. ⁵⁵Jesure ticōri ũsirio wayijarā gājerāre gotirona. Ito yija cōrāre ĩna ya camana āmi wayijarā Jesús tũjuu. ⁵⁶No ĩ waro bajiroti jaibiti cuto, jaja cutojũ, wi manojũ, majũ cũni cōrāre cũ yuyijarā ĩna, Jesús ĩ yisiotoni. ĩ ya yutabuju gaja moāia āmorā, ĩre josayijarā ĩna. Jesús ya yutabuju gaja moāianare riti ĩna ñarise cutirise rĕtacoayijũ ĩja.

Ñeñaro tũoācōri ñeñarise yama masa, yi Jesús ĩ riasore gaye
(Mt 15.1-20)

7 ¹Ito yija fariseo gaye tũoīarā, judio masa rotirise riasori masa rāca Jesús tũ eja rũgũyijarā ĩna. Jerusaléna wadiana ñayijarā ĩna. ²Jesús tũ ejacōri ĩ rāca riasotirā coriarā āmo coemenati ĩna baja tiyijarā ĩna. Ito bajiri bũcũrā ĩna rotiado bajiro ĩna yibeja ticōri, ĩnare busituyijarā ĩna. ³Judio masa ñajediro, fariseo gaye tũoīarā cũni bũcũrā ocare queno tũo sũyayijarā ĩna. Bũcũrā ĩna rotiado bajiroti ruje āmo coesotiyijarā ĩna baroto riojuu. ⁴Bare waja yiadoju bare gāme tũdi ejacōri bũcũrā ĩna rotirise ĩna cũdiroto riojuu babisijarā ĩna. Bũcũrā ĩna rotiado bajiroti idira coa, ide gōnaradũ, ito yicōri come sotũ cũni coecōyijarā ĩna. Bũcũrā rotirise cũdirona ĩna ya caniado cũni queno coecōyijarā fariseo gaye tũoīarā, judio masa rotirise riasori masa cũni. ⁵Ito bajiri Jesús rāca riasotirā ĩna āmo coemenati baja ticōri, ado bajiro ĩre senĩayijarā ĩna:

—¿No yija mu rāca riasotirā bucūrā oca tuorūnubeati? yiyijarā ĩna. Tite. Coji ruayabeto āmo coemenati bama ĩna, yiyijarā fariseo gaye tuoīarā.

⁶Ito ĩna yijare cudiyijū Jesús ĩnare:

—“Queno yirā ña gua”, yibojarāti mua tuoīaro bajiro yibea mua. Jane mejeju muare tuoīa yugu ado bajiro ucañi Diore goti ĩsiri masu Isaías ñayoru:

“Diore buto rūcubuoā gua”, yirā ñabojarāti mua ya usijūama queno ĩre rūcubuoēa mua.

⁷Minijuacōri, “Diore queno rūcubuoā gua”, yirā ñabojarāti rocati ya mua. Ito yicōri rocati oca busi ajea mua itire. Mua gotijama, “Bucūrā oca, Dios oca bajiroti baja”, yi gotiboja mua, yi ucañi Isaías ñayoru muare tuoīa yugu, yiyijū Jesús ĩnare.

⁸Dios ĩ rotirisejua queno tuorūnūbiticōri, bucūrā ocajuare queno tuorūnua mua, yiyijū Jesús ĩnare.

⁹Mucana gaje ado bajiro ĩnare goti remoyijū Jesús:

—Bucūrā ocajuare tuo suyarona Dios ĩ rotirisereama cudibea mua. ¹⁰Ado bajiro gotiyijū Moisés ñayoru: “Mu jacure, mu jacore cūni rūcubuoā”, yiyijū ĩ. “No ĩ jacure busitugu, ĩ jacore cūni busitugu siacōruja ĩocure”, yi ucañi Moisés ñayoru. ¹¹Muama ricati bajiro rotia. Ado bajirojua rotia mua: “Yū jacusabatiare ejabuado ma yū. Ñarocōti yū gajeoni cutirise Dios ye riti ña. ĩ sigūreti ejabuacuja yū”, sigū ĩ yija, “Queno yami”, ya mua. ¹²“Ito bajiro ĩ tuoīaja, no yibea ĩ jacusabatiare ĩ ejabuabeja”, ya mua, yiyijū Jesús ĩnare.

¹³‘Ito bajiro mua busija, bucūrā ocajuā tuorūnūcōri, “Dios oca waja ma”, yi tuoīado bajiro ya mua. Iti oca mua tuorūnūrise gājire, gājire goti mija waju mua. Gaje jaje ñaroja mua ito yirise. Dios ocare tuorūnūrā meje ña mua, yiyijū Jesús fariseo gaye tuoīarā, ito yicōri judio masa rotirise riasori masare cūni.

¹⁴Ito bero masare jicōri ado bajiro gotiyijū Jesús:

—Mua ñarocōti tuoā yure. Ito yicōri tuo masiña mua. ¹⁵Mani ba sārise meje ñaroja ñeñaro mani yiroca yirise. Mani ya usijū iti ñeñaro tuoīajare itina suoriti ñeñaro ya mani. ¹⁶Mua gāmo goje cutijama tuoā, yiyijū Jesús masare.

¹⁷Ito yicōri masare ware goticōri wijū sājajijū Jesús. Wijū ĩ sājaroca ĩre seniīayijarā ĩ rāca riasotirā:

—Jijū mu masare riasorise gayere queno gotiya guare cūni, yiyijarā ĩna Jesure. ¹⁸Ito ĩna yija tuocōri, ado bajiro cudiyijū Jesús:

—¿Yū riasorise gaye queno tuobiti mua cūni? “Masa ĩna ba sārise meje ñaroja ñeñaro ĩna yiroca yirise”, yū yija, ¿tuo masibeati mua? yiyijū Jesús ĩnare. ¹⁹Masa ĩna ba sārise jeragaju riti waroja. ĩna ya usijū meje waroja iti. Ito yicōri ĩna ba sārise rēta budicoaro yiroja, yiyijū Jesús ĩnare.

“Bare jeyaro quenarise riti ña”, yirocū yiyijū Jesús. ²⁰Mucana tūdi goti quenoyijū Jesús ĩnare:

—Masa ĩna ya usijū iti ñeñaro tuoīajare itina suoriti ñeñaro yama ĩna. ²¹ĩna ya usijū ñeñaro tuoīacōri ado bajiro ñeñarise yama masa. Manujū macore

rocaci yama ñna. Riniamo. Sñama. ²²Manojo cutirã ñabojarãti rocaci yama ñna. Gãjire gajeoni ñoama. Ñeñarise ñajediro yama ñna. Rñoama. Dios ñ rotirisere cudibeama ñna. Gãjerãre ti tudiamo. Gãjerãre busituama ñna. Ñna gajeoni rãca, “No yija mana ña gña”, yama ñna. “Gãjerã rëtoro masirã ña gña”, yama ñna. Ito yicõri queno tñoibiticõri rocaci yama ñnaõna. ²³Adi ñeñarise ñajediro yama ñna, ñna ya usiju ñeñaro iti tñoïajare, yiyiju Jesús ñnare.

Gaje maso Jesure iso tñorũnu suyare gaye

(Mt 15.21-28)

²⁴Itijuna wacõri Tiro wame cutiri cuto tu ejayiju Jesús. Ito ejacõri wi sãjayiju ñ. Masa ñna masibeto eja ñmoyiju Jesús. Ito bajibojarocaci masicõyijarã ñna. ²⁵Ito bajiri sigõ Jesús ñ ejare gaye masiyijo. Iso ñayijo rũmã sãñagõ jaco. Ito bajiri Jesús tu wadicõri iso ya rijomunigãna ñini rũjũyijo iso, Jesús riojo. ²⁶Judio masagõ meje ñayijo iso. Sirofenicia gago ñayijo iso. Jesús tu ejacõri ñre josayijo: “Yũ maco iso ya usiju rũmã sãñagõ ñamo. Ito bajiri iso ya usiju rũmã sãñagãre bucõãña mũ”, yiyijo iso Jesure. ²⁷Ito yija ado bajiro gotiyiju Jesús isore:

—Cajero judio masare ejabusucõya yũ, yiyiju Jesús. Gña masa riojũajũ yũ mũre ejabusaja, riacare najuro emacõri yaire ecado bajiro baja, yiyiju Jesús isore.

²⁸Ito ñ yija tñocõri, ado bajiro cudiyijo iso:

—Ri ya, yũ Eju mũ. Ito bajibojarocaci yaia bare jeodo roca ñarã boca barã yirãji riaca ñna queorisere, yiyijo iso.

²⁹Ito iso yija ado bajiro cudiyiju Jesús isore:

—Queno tñoia mũ. Ito bajiri mũ ya wijũ tũdi wasa. Rũmã budigocõami mũ macore ñja, yiyiju Jesús isore.

³⁰Iso ya wi tũdi ejacõri caniado joejũ maso iso jesaroca tiyijo iso. Rũmã budigoroju ñayijo iso ñja.

Tuobiti busibiti yigũre Jesús ñ yisiore gaye

³¹Tiro cutona wayiju Jesús. Ito wa rëtayiju Sidõn wame cutiri cuto. Ito rëta wacuti Decãpolis wame cutiri cutori cuni rëtayiju. Ito rëta wacu ejayiju Galilea wame cutiritaju. ³²Ito ñ ñaroca tuobiti busibiti yigũre ñmi ejayijarã masa. ñre ñmi ejacõri Jesure seniyijarã ñna, tuobicũre ñ ya ñmo moa jeotoni. ³³Ito bajiri tuobicũre gajerojũ ñmi wayiju Jesús. Ito yicõri tuobicũ ya gãmo gojeriju ñmo wãsoa sõcõayiju Jesús. Ito yicõri ñmona ñ ya go ide ñmicõri ñ ya ñmeroju moaïayiju busibicũre. ³⁴Ito yicõri macãrucõroju ti mñocõri usi ñmiyiju Jesús. Ito yicõri ado bajiro yiyiju ñre:

—Efata, yiyiju Jesús. “Gãmoro tñoia ñja”, yireoni ñayiju iti griego ocana.

³⁵Ito ñ yirocaci tuobicũ ñabojarũti tñoocayiju ñja. Ito yicõri ñ ya ñmero cuni quenacoayiju ñre ñja. Ito bajiri busicoayiju ñ busibicũ ñabojarũ. ³⁶Ito yija ado bajiro masare gotiyiju Jesús: “Gãjerãre goti bato yibesa mũa”, yiyiju Jesús ñnare. Ito ñ yibojarocaci masa jãjarãre goti batoyijarã Jesús ñ

masiro robo ï yirisere. “Gotibesa”, ï yibojarocati bũto busa masare goti bato wayijarã ïna. ³⁷Ito bajiro Jesũs ï yija ti wanũcõri, ado bajiro yiyijarã ïna:

—Jeyaro ï yirise quenascõa, yiyijarã masa. Tũomenare cuni ïna tũoroa, busimenare cuni ïna busiroca yami Jesũs, yiyijarã masa.

Cuatro mil ñarãre Jesũs ï ecare gaye

(Mt 15.32-39)

8 ¹Iti rumũri mũcana tũdi jãjarã masa minijuayijarã Jesũs tũjũ. Jesũs tũ ïna ñaroca riti bare jedicoayijũ ïnare. Ito bajiri ï rãca riasotirãre jicõri ado bajiro yiyijũ Jesũs:

²—Ãna masare ti maia yũ. Udia rumũ tũja yũ rãca ïna ñaroca. Ito bajiri bare ma ïnare. ³“Bamenati wasa”, ïnare yũ yija, ma gũdarecoti boga quedirãji ïna. Coriarã sõjũ wadiana ñarãji, yiyijũ Jesũs ï rãca riasotirãre.

⁴Ito ï yija tũocõri, ado bajiro cũdiyijarã ï rãca riasotirã:

—Masa ñaro meje ñajare no bajiro masare bare eca masiado ma, yiyijarã ïna Jesure.

⁵Ito ïna yija seniãayijũ Jesũs ïnare:

—¿Nocõ jaje naju rũcoati mũa? yiyijũ Jesũs ïnare.

—Jũa ãmojeno najurori ña, yiyijarã ïna.

⁶Ito yija jacajũ masare ruji rotiyijũ Jesũs. Ito yicõri jũa ãmojeno naju ñarisere ãmi rũcoyijũ Jesũs. Itire rũcocõri ado bajiro yiyijũ Jesũs: “Queno ya mũ”, yiyijũ Jesũs Diore. Ito yicõri naju igata batocõri ï rãca riasotirãre ïsiyijũ Jesũs. Ñajũa masa jeyarore batoyijarã ïja. ⁷Ito yicõri wai cuni jabeto rũcoyijarã ïna. Waire rũcocõri, “Queno ya Dios mũ”, yiyijũ Jesũs mũcana. Ito yicõri ï rãca riasotirãre bato rotiyijũ Jesũs. ⁸Masa ñarocõti ba jediyijarã. Sigũ ruyabeto yaji quenaro ñayijarã ïna. Ña ba ruarise ãmicõri jũa ãmojeno jibũri dajoyijarã ïna. ⁹Itijũ Jesũs rãca bana cuatro milcõ ñayijarã masa. Ña ba tĩoja bero ïnare ware gotiyijũ Jesũs. ¹⁰Ito bero cumajũ sãjayijũ Jesũs ï rãca riasotirã rãca. Cuma sãjacõri Dalmanuta sitajũ wayijarã ïna.

“Tiyamani ïoña gũare”, ïna yire gaye

(Mt 16.1-4; Lc 12.54-56)

¹¹Ito Jesũs ï ejaja tũocõri, ï rãca busirona ï tũ ejayijarã fariseo gaye tũoãrã. Ñ wisajaro yirona ïre seniãayijarã ïna. “ ‘Dios cõarũ ñami ï’, gũa yitoni, tiyamani mũ ïore ãmoa gũa”, yiyijarã ïna Jesure. ¹²Ito bajiro ïna yija tũocõri, bũto usi ãmiyijũ Jesũs. “Teoro yama yũre”, yirocũ ito bajiro usi ãmiyijũ ï:

—¿No yija ãna masa tiyamani yi ïo rotiatu ïna yũre? yiyijũ Jesũs. Riti mũare gotia yũ. Tiyamani yi ïobicũja yũ masare, yiyijũ Jesũs ï rãca riasotirãre.

¹³Ito yicõri masare cũ wayijũ Jesũs. Mũcana tũdi cumajũ sãjacõri, itajura gaje dũjajũa jẽa wayijarã ïna.

Fariseo gaye tuoïarã ya naju wadare gaye
(Mt 16.5-12)

14 Jesús rãca riasotirã bare ãmi ware ãcabojayijarã. Ito bajiri ñna ya cumaju naju jabetacã ñayiju. 15 Ito yija ado bajiro gotiyiju Jesús ñnare: —Fariseo gaye tuoïarã ya naju wadarise uco gaye queno tuo masiña mua. Herodes i gaye cuni queno tuo masiña, yiyiju Jesús i rãca riasotirãre.

16 Ito bajiro Jesús i yija tuocõri, ñnamasi gãmeri busiyijarã:

—Mani naju rucobejare ito bajiro busiami Jesús, yiyijarã ñna.

17 Ñna busirise masicõyiju Jesús. Ito bajiri ado bajiro yiyiju i ñnare:

—¿No yija, “Naju ma”, yati mua? yiyiju Jesús ñnare. ¿Yure masibeati mua maji? ¿Mua ya usiju tuo masimena ña mua? yiyiju Jesús ñnare.

18 Mũare cajea ñabobarocati ti masibea mua. Ito yicõri gãmoro ñabobarocati tuo masibea mua. ¿Yũ masiro robo yũ yirisere masibeati mua? yiyiju Jesús ñnare. 19 ¿Co ñajamocõ najurori cinco mil masa ñarãre yũ bare ecaja bero ruyarise nocõ jibũri dajocati mua? yiyiju Jesús ñnare.

Ito i yija tuocõri, ado bajiro cudiyijarã ñna:

—Doce jibũri dajocu gũa, yiyijarã ñna.

20 —Siete najurori cuatro mil masa ñarãre yũ batoja, ñna ba ruare, ¿nocõ jibũri dajocati mua? yiyiju Jesús i rãca riasotirãre.

—Siete jibũri dajocu gũa, yiyijarã ñna.

21 Ito yija ado bajiro yiyiju Jesús ñnare:

—¿Tuo masibeati mua maji? yiyiju Jesús.

Betsaida gagu cajea macure Jesús i yisiore gaye

22 Ito bero Jesús ñre suyará rãca Betsaidaju ejayiju. Ito ñna ejaroca cajea macure ãmi ejayijarã masa Jesús tu. Ñre josayijarã ñna cajea macure i moaiatoni. 23 Ito yija cajea macu ya ãmo ñiacõri ñre tũa wayiju Jesús iti cuto sõjua busacã. Ito yicõri i ya go idena cajea macure i ya cajea moaiayiju Jesús. Ito yicõri ado bajiro ñre seniïayiju: “¿Ruyuati jabeto?” yiyiju Jesús cajea macure.

24 Ito bajiro i yija cajea tibicu tisuoyiju jabeto. Ito bajiri ado bajiro cudiyiju i:

—Tia yũ jabeto. Ito bajibobarocati masare yũ tija, yucu wãrero bajiro baja, yiyiju i.

25 Ito yija Jesús mucana tũdi moaia quenoyiju i ya cajeare. Ito i yija bero queno ticoayiju ñja. Ñajediro queno ruyuyiju ñre ñja. 26 Ito yija Jesús ado bajiro gotiyiju ñre:

—Mũ ya wijũ tũdi wasa. Cũtoju cuni sãja wa yibeja. Ito yicõri gãjerãre cuni goti bato yibeja, yiyiju Jesús ñre.

Dios i cõaru ñami Cristo, yi Pedro i goti quenore gaye
(Mt 16.13-20; Lc 9.18-21)

27 Ito i yija bero i rãca riasotirã rãca wayiju Jesús, Cesarea Filipino wame cutiri cuto tu. Ma ñna waroju i rãca riasotirãre ado bajiro seniïayiju Jesús:

—¿No bajiro yati masa yure ña tija? “¿Ñimũ ñati ñ?” ña seniñaja, ¿no bajiro cudiati gajerã? yiyijũ Jesús ñ rãca riasotirãre.

²⁸Ito ñ yija:

—Ado bajiro yama masa mure: “Juan masare idé guri masũ ñami”, yima. Gajerã ña yijama, “Elias ñami”, yima ña. Gajerã ña yijama, “Diore goti ñsiri masũ ñami”, yima ña, yiyijarã ña Jesure. Ito yija ado bajiro ñnare seniñayijũ Jesús:

²⁹—¿Muama, ñimũ ñami, yati mua yure? yiyijũ Jesús.

Ito ñ yija ado bajiro cudiayijũ Pedro ñre:

—Muti ña Cristo, Dios ñ cõarũ, yiyijũ ñ Jesure.

³⁰Ito bajiro ñ yija tuocõri:

—Gajerãre goti batobesa mua, yiyijũ Jesús ñ rãca riasotirãre.

Yure sïarã yirãji, Jesús ñ yire gaye

(Mt 16.21-28; Lc 9.22-27)

³¹Ito yija Jesús ado bajiro ñnare riasosũoyijũ:

—Yuti ña Masa Rijorũ. Bujato tõbujagũ yigũja yũ. Paia ujarã, judio masa rotirise riasori masa, ito yicõri bucũrã cuni, “Dios Macũ meje ña mũ”, yirã yirãji ña yure. Ito yicõri yure sïarã yirãji. ña sïaja, godacoagu yigũja yũ maji. Godabojaguti udiã rũmũ bero mũcana tũdi catigũ yigũja yũ, yiyijũ Jesús ñnare.

³²Ito bajiro ñnare gotigũ quenaro gotiyijũ Jesús. Itire ñ busija tuocõri, ricati ñmi wayijũ Pedro Jesure. Ito yicõri, “Yibesa mũ itire”, yĩ tudiyijũ Pedro Jesure.

³³Ito ñ yija tuocõri, juda rũgũyijũ Jesús. Ito bajiro yicõri ñ rãca riasotirãre tiyijũ Jesús. Ito yicõri ado bajiro oca seõrise rãca gotiyijũ Jesús Pedrorẽ:

—Rũmũa uju Satanás wame cutigũ bajiro busia mũ, yiyijũ Jesús ñre. Yũ rãca ñabesa mũ. Wasa mũ. Dios ñ tuoïaro bajiro meje tuoïa mũ. Masa ña tuoïabojaro bajirojũa tuoïa mũ, yiyijũ Jesús Pedrorẽ.

³⁴Ito yija ñ rãca riasotirã, gajerãre cuni jimioyijũ Jesús. Ito yicõri ado bajiro gotiyijũ ñ:

—Sïgũ yure ñ sũya ñmoja, ñ ye ñaroti tuoïabiticõri yujuare tuo mai sũyagu yigũji. Yucũ gajagũ robo bajiro tõbujabojaguti yure riti sũyagu yigũji ñ.

³⁵No ñ catirise maibojaguti godagu yigũji. Ito bajibojarocati yure tuorũnũgũ, yũ oca ñ gotija tuo junisinicõri ña sïagũama catitĩñare gaye bujagũ yigũji.

³⁶Sïgũ adi macãrucũroju gajeoni jeyaro ñ bujabojaja, ñ ya usi jeame ujuuroju iti waja, ñ ya gajeoni ñ bujabojare ñe waja ma. ³⁷Ñe mani ya usi rẽto busaro waja cutirise manojã. Catirãti Dios rãca mani oca quenoja quena. Mani godaja bero ñ rãca oca quenore manojã ija. ³⁸Adi rũmũri gãna ñeñaro yiri masa ñama. Ito yicõri Diore tuorũnũrã meje ñama ña. Ito bajiri, “Jesure rũcũbuogu ña yũ”, yĩ tuoïa bojobesa ña tiro riojo. Ito yicõri ñe bojore mano yũ oca gotija quena. No yure masigũ ñabojaguti yure ñ bojoja, ito yicõri yũ oca masibojaguti ñ bojoja, yũ tũdi ejari rũmũ ito bajiroti ñre bojogũ yigũja yũ cuni. Yũ Masa Rijorũ ñacõri yũ Jacũ Dios ñ busurisena tũdi ejagũ yigũja yũ. Ito yicõri ñ ñaro gãna ángel mesa rãca ejagũ yigũja yũ, yiyijũ Jesús.

9 ¹Ito yija gaje goti remoyijũ Jesús ñnare:
—Ñre tũorũnũrãre Dios ñ miojuja, ñ masirisena miojugũ yiguĩji. Riti mũare gotia yũ. Mũa coriarã adijũ ñnarã mũa godaroto riojuã ito bajiro ñ yisuoja tirã yirãji mũa, yiyijũ Jesús ñnare.

Ñna tiro riojo Jesús ñ godo wedire gaye
(Mt 17.1-13; Lc 9.28-36)

²Co ãmojeno ãmũari bero Pedro, Santiago ito yicõri Juanre cuni ãmi wayijũ Jesús ãmari turia joeju. Itoju ñna ejaroca ñna tiro riojo Jesús ñ ya rio gajero bajiro godo wediyijũ. ³Ñ ya yutabuju bũto bũsa botiyijũ. Ito yicõri yoyijũ ñ ya yutabuju. Ñmũa bueri botiro bajiro botiyijũ. Saya coere rãto bũsaro botiyijũ ñ ya yutabuju. ⁴Ito ñna tiroca Elías ñayorũ, ito yicõri Moisés ñayorũ cuni goãoyijarã Jesús tũ. Ito bajiri Jesús rãca ñna bũsija tiyijarã ñna.

⁵⁻⁶Ñre ticõri bũto gũiyijarã Pedro mesa. Bũto gũicõri queno tũoĩa masibisijũ Pedro. Ito bajiri ado bajiro yiyijũ ñ:

—Tũoya yũ Ñju mũ. Gũa adoju ñnaja quenasacõa. Mũare wi meni ñsirũja gũa. Mũre co wi, Moisésre gaje wi, ito yicõri Elíasre gaje wi meni ñsirũja gũa, yiyijũ Pedro Jesure, queno tũoĩabiticõri. ⁷Ito yija ide buere ruji ejacõri Jesús, Moisés ito yicõri Elíasre cuni gũmayijũ. Ito yicõri bueri watoju oca ruyuyijũ:

—Ñni, yũ Macuti ñnami. Ñre maisacõa yũ. Ñre queno tũoya mũa, yi ruyuyijũ oca.

⁸Ñajasaroti, ti batocõri Jesure riti tiyijarã ñna. Gãjerãma ruyubisijarã ñja. Jesús sigũti ñayijũ ñna rãca.

⁹Ito yija turia joe ñnana roja wayijarã ñna udiarãti Jesús rãca. Ñna roja waroca ado bajiro rotiyijũ Jesús ñnare:

—Ñijũ mũa tigore gãjerãre gotibeja. Yũ ñna Masa Rĩjorũ. Godacõri mũcana tũdi catigu yigũja yũ. Yũ tũdi catiroto riojuã mũa tigore gãjerãre gotibeja maji, yiyijũ Jesús ñnare. ¹⁰Ñre queno tũocõri gãjerãre gotibisijarã ñna. Ito bajibojarocati ñnamasiti gãmeri seniĩayijarã:

—Ñe yireoni ñnati? “Godacõri mũcana tũdi catigu yigũja yũ”, yire, yiyijarã ñna. ¹¹Ito bajiri Jesure seniĩayijarã ñna:

—Ñno yija, “Cristo ejaroto riojuã ejagu yiguĩji Elías”, yati judio masa rotirise riasori masa? yiyijarã ñna Jesure.

¹²Ito ñna yija tũocõri:

—Riti ña. Elías ñayorũ robo bajigu cajero ejasũogu yiguĩji. Jeyaro quenorocũ ejagu yiguĩji ñ. Ito bajibojarocati yũ Masa Rĩjorũ ñagũ quenabeto junirise bũjagu yigũja. Ito yicõri masa yũre rũcũbuomenaji. Dios oca tuti ucagore bajiroti yũre rãtarõ yiroja. ¹³Riti mũare gotia yũ. Elías ñayorũ robo bajigu iti rũmũti ejacoaquĩ ñja. Ito bajibojarocati masa ñna ãmoro bajiroti ñeñarise yicã ñna ñre. Dios oca tutijũ ucagore bajiroti rãtacũ Elías robo bajigũre, yiyijũ Jesús ñnare.

Rūmá sãñagũre rūmũre Jesús ĩ bucõare gaye
(Mt 17.14-21; Lc 9.37-43)

¹⁴Ito yija gãjerã ĩ rãca riasotiri masa tũ tũdi ejayijũ Jesús. Itoju ejacõri ĩ rãca riasotirã tũ masa jãjarã ĩna ñaja tiyijũ Jesús. Ito yicõri judio masa rotirise riasori masa ĩ rãca riasotiri masa rãca ĩna gãmeri busija ti ejayijũ Jesús. ¹⁵Jesús ĩ ejaja ticõri, buto wanuyijarã ĩna. Ito bajiri ĩ tũ ũmaquedi wayijarã senirã warã. ¹⁶Ĩ tũ ĩna ejarocati seniñayijũ Jesús ĩnare:

—¿ĩna rãca ñeonire gãmeri busiri mũa? yiyijũ Jesús ĩnare.

¹⁷Ito ĩ yija tũocõri, masa watoju sīgũ ado bajiro cũdiyijũ Jesure:

—Tũoya riasogu mũ. Yũ macũ ĩ ya usijũ rūmũ sãñagũ ñami ĩ. Ito yicõri busibicu ñami ĩ yũ macũ. Ito bajiri ĩre mũ tũju ãmi wadibũ yũ. ¹⁸Yũ macũ ya usijũ sãjacõri ĩ quedĩ quearoca yami rūmũ. Ito yicõri yũ macũ ya risere somo jairo budia. Guji cũni canamũocõri ruju cũni tutua jedicoami ĩ. Nocõ mejeti rūmũ ĩ ejajare ito bajiroti baji ñami yũ macũ. “Yũ macũ ya usijũ rūmũ sãñagũre bucõaña”, yibojabũ yũ mũ rãca riasotirãre. Rũmũre bucõa masibeama ĩna, yiyijũ ĩ Jesure.

¹⁹Ito ĩ yija tũocõri, ado bajiro cũdiyijũ Jesús:

—Yũre tũorũnũmena ña mũa maji. Yoari mũa rãca ñaboja yũ. Ito bajibojarocati yũre tũobeã mũa maji, yiyijũ Jesús ĩ rãca riasotirãre. Yũ tũ ãmi waya macũacãre, yiyijũ Jesús.

²⁰Ito ĩ yija tũocõri, Jesús tũju ãmi wayijarã ĩre. Jesure ticõri macũacã ĩ cõ quedi-roca yiyijũ rūmũ. Ito bajiri jacajũ quedĩ queacõri tunu cũñayijũ macũacã. Ito yicõri ĩ ya rise somo budiyijũ ĩre. ²¹Ito yija Jesús seniñayijũ macũacã jacũre:

—¿Nocõ rodori tũjati mũ macũ ito ĩ bajiroca? yiyijũ Jesús ĩre.

Jesús ito ĩ yija tũocõri, ado bajiro cũdiyijũ ĩ:

—Jaibicũacã ñagũjuti ito bajisũoquĩ yũ macũ. ²²Coji meje jeameju ĩre queo tũayijũ rūmũ. Ito yicõri ide ñariju cũni ĩre queo roayijũ rūmũ yũ macũre sũarocũ. Mũ guare ejabũa ãmojama, guare ti maicõri guare ejabuaya mũ, yiyijũ ĩ Jesure.

²³Ito ĩ yija tũocõri, ado bajiro yiyijũ Jesús ĩre:

—Mũ yũre tũojama, ñejũa buto josarise manojã, yiyijũ Jesús ĩre.

²⁴Ito ĩ yija tũocõri, ado bajiro cũdiyijũ ĩ:

—“Yũ macũre yisio masiguĩji Jesús”, yi tũoĩa yũ. Ito bajiri buto busã yũ tũotoni, yũre ejabuaya mũ, yi busiyijũ ĩ awasãre rãca Jesure.

²⁵Ĩ awasãja tũocõri, jãjarã busã minijuayijarã masa Jesús tũju. Ito bajija ticõri, ado bajiro rūmũre oca sũoro busiyijũ Jesús:

—Tũoya rūmũ mũ. Masa ĩna busibitiroca, ĩna tũobitiroca cũni ya mũ. Ito bajiri macũacã ya usire budigo rotia yũ mũare. Ito yicõri mũcana tũdi ĩre sãjabesa mũ, yiyijũ Jesús rūmũre.

²⁶Ito ĩ yiroca rūmũ awasãcõri macũacã ĩ cõ quedi-roca yiyijũ ĩ. Ito yicõri ĩ ya usijũ sãñabojarũ budigocoayijũ ĩja. ĩ budigorocati cõgũ bajiro bajicoayijũ macũacã. Ito bajija ticõri: “Cõcoami”, yiyijarã masa. ²⁷Ito ĩna yibojarocati Jesús macũacã ya ãmona tũa wũmũoyijũ ĩre. Ito ĩ yirocaci rũgõcoayijũ ĩja.

28 Ito yija bero wi sājajijū Jesús. Ito ī sāja waroca ĩre seniīayijarā ĩna ĩ rāca riasotiri masa:

—¿No yija bucōa masibiti gua rūmūre? yiyijarā ĩna Jesure.

29 Ado bajiro ĩnare cudiyijū Jesús:

—Bamena riti Diore senicōri, āni rūmū robo bajigure bucōa masirāji mūa, yiyijū Jesús ĩnare.

Yure sīarā yirāji, mūcana Jesús ī tūdi gotire gaye

(Mt 17.22-23; Lc 9.43-45)

30-31 Itijūna wayijarā ĩna Jesús ito yicōri ī rāca riasotirā cūni. Galilea sita ĩna wa rētaroca ī rāca riasotirāre riasoyijū Jesús. Ito bajiro ĩnare ī riaso ĩnarijū masa ĩna masire āmobisijū Jesús.

—Yū ĩa Masa Rījorū. Yure ĩnacōri sīarā yirāji masa. Godacoagu yigūja yū. Ito bajibojaguti ũdia rūmū bero tūdi catigu yigūja yū mūcana, yiyijū Jesús ĩnare.

32 ĩ gotirisere queno tūo masibisijarā ĩna. Ito yicōri būto Jesure seniīa giyijarā ĩna.

¿Nīmū ĩnati ĩnasagu ĩnarocū? ĩna yi seniīare gaye

(Mt 18.1-5; Lc 9.46-48)

33 Itijūna wana Capernaumjū ejayijarā ĩna. Itojū ejacōri wi sājajijarā ĩna. Iti wijū sājacōri, ado bajiro ĩnare seniīayijū Jesús:

—¿Ma wadirā ñeonire gāmeri busiri mūa? yiyijū Jesús ĩnare.

34 Jesús ī seniīaja tūobojarāti cudibisijarā ĩna. “¿Nīmū ñaguījida ĩnasagu mani wato?” yi gāmeri busiyijarā ĩna majū wadirā. Ito bajiri Jesús ī seniīaja cudibisijarā ĩna ĩja. 35 ĩna cudibejare rujijijū Jesús. Ito bajiro yicōri ī rāca riasotirāre jimio jeocōyijū Jesús:

—Sīgū ĩnasagu ī ĩa āmoja, “Ñasabicu ĩa yū”, yi tūoīagū yiguīji ī. Ito yicōri masa jeyarore moa ĩsigū yiguīji, yiyijū Jesús ĩnare.

36 Ito yija ĩna watojū macuacāre cūyijū Jesús. Ito yicōri macuacāre āmi jeoyijū Jesús. Ito bajiro yicōri ĩnare ado bajiro gotiyijū:

37—No yure rūcubūogū āni macuacāre boca āmigūti, yure boca āmigūre bajiro yami ī. No yure boca āmigūti yū sīgūre meje boca āmiguīji. Yure cōarure cūni boca āmiami, yiyijū Jesús.

Manire tūo tudibicu ī ñaguīji mani baba, Jesús ī yire gaye

(Mt 10.42; Lc 9.49-50)

38 Ito yija ado bajiro gotiyijū Juan Jesure:

—Guare riasogū, tūoya mū. Mū wamena suoriti rūmūre bucōagūre ticu gua. ĩ mani rāca ñagū meje ñajare, “Yibesa”, yicu gua ĩre, yiyijū Juan Jesure.

39 Ito ī yija tūocōri, ado bajiro cudiyijū Jesús:

—Queno yami ī. Ito bajiri ĩre reōbesa, yiyijū Jesús. Sīgū yure rūcubūocōri tiyamani ī yi ĩoja bero ñeñarise busitubiquīji yure. 40 Ito bajiri manire tūo

tudibicũ ã ñaguũji mani baba. ⁴¹Riti muare gotia yũ. Dios ã cõarũ Cristo ña yũ. Ito bajiri yũ ñarã mua ñajare gãji muare ide ã ioja ticõri, wanugũ yiguũji Dios. Ito bajiri muare queno ã yijare ãre waja yigu yiguũji Dios, yiyijũ Jesús ñare.

Ñeñaro mua yi uyaja guijorise ña, yi Jesús ã riasore gaye

(Mt 18.6-9; Lc 17.1-2)

⁴²Ito yija ã rãca riasotirãre ado bajiro gotiyijũ Jesús:

—No macuacã yure tuorũnumogure ñeñaro yiroca gãji ã yija, ãre buto waja senigũ yiguũji Dios. Quenogorama ito bajiro yigũre ã ya ãmumaju gãtagã jajoca sia yocõri riacã ãcarojũ rucõaja quenaroja, yiyijũ Jesús ñare. ⁴³“Mua ñeñaro yirise jidicãña mua”, yirocũ ado bajiro gotiyijũ Jesús ñare: Mua ya ãmona ñeñarise mua yija itire jatacõña. Manire co ãuja ãmo manija quenabetoja. Ito bajibojarocati jua ãmo, ãmo cutirã ñabojarãti jeame ãjurojũ mani waja rãto busaro quenabeto yiroja. ⁴⁴Itoju jeame yatirime meje ñaro yiroja. Ito yicõri co rãmũ ruyabeto rujure barã yirãji becoa. ⁴⁵Mua ya gubona ñeñarise mua yija itire cãni jatacõña. Manire co ãuja gũbo manija quenabetoja. Ito bajibojarocati jua gũbo, gũbo cutirã ñabojarãti jeame ãjurojũ mani waja rãto busaro quenabeto yiroja. ⁴⁶Itoju jeame yatirime meje ñaro yiroja. Ito yicõri co rãmũ ruyabeto rujure barã yirãji becoa. ⁴⁷Mua ya cajeana ñeñarise mua yija itire ruacõña. Manire co ãuja cajea manija quenabetoja. Ito bajibojarocati jua cajea, cajea cutirã ñabojarãti jeame ãjurojũ mani waja rãto busaro quenabeto yiroja manire. ⁴⁸Itoju jeame yatirime meje ñaro yiroja. Ito yicõri co rãmũ ruyabeto rujure barã yirãji becoa, yiyijũ Jesús ñare.

⁴⁹Mani jea uaja, iti juniro bajiro tõbujarã yirãji Diore tuorũnumena.

⁵⁰Quenarise ña moa. Ito bajibojarocati moa ocarise iti jedija mũcana tũdi ocabetoja ãja. Ito bajiri waja mano bajiroti ñaroja moa ãja. Ito bajiri moa queno ocarise bajiro bajirã ñaña mua. Ñe oca manoti ñaña mua. Ito yicõri sigũ robo bajiro tuoia ñaña mua, yiyijũ Jesús ã rãca riasotirãre.

Manojore jidicãre ma, yi Jesús ã riasore gaye

(Mt 19.1-12; Lc 16.18)

10 ¹Capernaumjũ ñacõri Judea sitajũ wayijũ Jesús. Ito ejacõri Jordãn wame cutirisa boejũaju wayijũ Jesús. Itoju masa jãjarã minijuayijarã mũcana Jesús rãca. Ña ejaja ticõri, ñare riasoyijũ Jesús ã yisotiro bajiroti. ²Jesús masare ã riaso ñaroca ã tũ ejayijarã fariseo gaye tuoiarã. Jesús ã tuo wisajaro yirona ado bajiro ãre seniãuyijarã ña:

—¿Ûmugũ ã manojore cõaja, ñeñarise ñati iti? yiyijarã ña Jesure. ³Ito ña yija ado bajiro cũdiyijũ Jesús:

—¿No bajiro muare rotiyijari Moisés ñayorũ? yiyijũ Jesús ñare.

⁴Ito ã yija tuocõri, ado bajiro cũdiyijarã ña:

—Ado bajiro gotiyijũ Moisés ñayorũ: “Sigũ manojore ã cõa ãmoja papera ucarũja. Yũ manjo te ñamo. Ito bajiri isore cõagũ ya yũ, yire papera uca tuocõri, isore cõagũ yiguũji ã”, yiyijũ Moisés ñayorũ, yiyijarã fariseo gaye tuoiarã Jesure.

⁵Ito ñna yija tʷocōri, ado bajiro yiyijʷ Jesús:

—Mʷa ya ʷsijʷ tʷo terā mʷa ñajare manojore cōare gaye rēobisijʷ Moisés.

⁶Jane mejeʷ cajero masare rujeosʷogʷ ũmʷgū ito yicōri romiore cʷni rujeoyijʷ Dios. ⁷Ito bajiri manojʷ bʷajacōri ricati ñagū yiguĩji ũmʷgū ĩ manojʷ rāca. Ito bajiri jacusatatia tʷ bʷotogoroama ñasabiquĩji ĩ ĩja. ⁸Ito yicōri manojʷ rāca jʷarā ñabojarāti sigūre bajiroti ñarāji ĩna. Ito bajiri jʷarā meje ñarāji. Sigū bajiroti ñacōrāji ĩna ĩja. ⁹Manojore āmo siaja bero sigūre bajiroti ñama ĩna, Dios ĩ tiro riojo. Ito bajiri manojore cōare ma ĩja, yiyijʷ Jesús ĩnare.

¹⁰Wijʷ sāja wacōri Jesure ĩ gotirisere seniīayijarā ĩna ĩ rāca riasotiri masa. ¹¹Ito ñna yijare ado bajiro cʷdiyijʷ Jesús:

—No manojore cōagū quenabeami. Ito yicōri gajeo ĩ manojʷ cutija rocati yigʷ bajiro yami ĩ. Cajero ĩ manojʷ cutisʷogore ñeñaro yigʷ yami ĩocū. ¹²Ito bajiroti romio cʷni, iso manʷjʷre cōagō quenabeamo. Ito yicōri gāji iso manʷjʷ cutija rocati ajego bajiro yamo iso. Cajero iso manʷjʷ cutisʷogore ñeñaro yigo yamo iso, yiyijʷ Jesús ĩnare.

Rīacare queno yijaro Dios, Jesús ĩ yire gaye

(Mt 19.13-15; Lc 18.15-17)

¹³Rīacare tʷa wadiyijarā masa Jesús tʷjʷa. Rīacare ĩ moāiare āmoyijarā masa. Ito bajiro ĩna yija ticōri, ado bajiro yiyijarā Jesús rāca riasotiri masa:

—Jesure ʷsirioro yibesa mʷa, yiyijarā ĩna masare. ¹⁴Itire ticōri

jʷunisiniyijʷ Jesús. Ito bajiri ĩ rāca riasotirāre ado bajiro gotiyijʷ Jesús:

—Rīacare rēobesa, yʷ tʷ wadijaro ĩna. Rīaca ñama yʷre queno tʷorūnʷrā.

Ñna robo yʷre queno tʷorūnʷrāre ĩ rotirojʷ miojugʷ yiguĩji Dios. ¹⁵Riti mʷare gotia yʷ. Rīaca queno cʷdi āmoama Dios ĩ rotirisere. No rīaca ĩna cʷdiro bajiro cʷdibicʷ Dios ĩ rotirojʷ ejabiquĩji, yiyijʷ Jesús ĩ rāca riasotirāre.

¹⁶Ito yicōri rīacare āmi jeoyijʷ Jesús. Ito bajiro yicōri ĩ ya āmona ĩnare moa jeoyijʷ. Ito yicōri: “Queno yijaro Dios mʷare”, yiyijʷ Jesús rīacare.

Gajeonire bʷto maisabeja quena, Jesús ĩ yire gaye

(Mt 19.16-30; Lc 18.18-30)

¹⁷Itijʷna Jesús ĩ wasʷorocati ĩ tʷjʷ ũmaquedi ejayijʷ ũmʷgū. Jesús riojo ejacōri rijomunigāna ñini rūjʷyijʷ ĩ:

—Tʷoya Riasogʷ mʷ. Quenagū ña mʷ. Dios rāca catitīña āmoa yʷ. ¿No bajiro yigʷti yʷ Dios rāca catitīnarocʷ? yiyijʷ ĩ Jesure.

¹⁸Ito ĩ yija tʷocōri, ado bajiro cʷdiyijʷ Jesús:

—¿No yija, “Quenagū ña mʷ”, yati mʷ yʷre? Dios sigūti ñami quenagū. ¹⁹Dios ĩ rotirisere masia mʷ. Ado bajiro gotia iti: “Masare sīabesa. Manojʷ cutigʷ gajeo rāca ajebesa. Rinibesa. Gājire busitubesa. Gājerāre rʷobesa. Mʷ jacʷ, mʷ jacore cʷni queno rʷcʷbʷoya”, yʷ gotia Dios oca. Itire masia mʷ, yiyijʷ Jesús ĩre.

²⁰Ito ĩ yija tʷocōri, ado bajiro yiyijʷ:

—Tɔoya Riasogɔ mɛ. Dios ɪ rotirisere masicɔri mamɛ ɲagɔjɔti queno cɔdicɛ yɛ, yiyijɛ ɪ Jesure.

²¹Ito ɪ yija tɔocɔri, ɪre ti maiyijɛ Jesús:

—Coji gaye mɛ yiroti rɛya maji. Mɛ ya gajeoni gɔjerɛre ɪsi jeocɔɲa. Ito waja bujacɔri bojoro bujarɛre ɪsiɲa. Mɛ ito yija ɔmacɔjɛ Dios tɔ ejacɔri jairo waja bujagɛ yigɔja mɛ. Ito bajiri yɛ gotirisere cɔdiya. Ito yicɔri yɛ rɛca waya, yiyijɛ Jesús ɪre.

²²Ito bajiro Jesús busija tɔocɔri, bojori bujayijɛ ɪ. Gajeoni jaigɛ ɲacɔri itire bɔto maiyijɛ ɪ. Ito bajiri Jesús busire tɔocɔri bojori bujagɔti wayijɛ ɪ.

²³Ito yija Jesús ɪ rɛca riasotirɛre ti batocɔri ado bajiro busiyijɛ:

—Gajeoni jairɛre josari ɲaro yiroja Dios ɪ rotirojɛ ɪna ejaroto, yiyijɛ Jesús ɪnare.

²⁴Ito bajiro ɪ yija tɔocɔri, ɛcayijarɛ ɪ rɛca riasotiri masa. Ito bajiri mɛcana ɪnare goti remoyijɛ Jesús:

—Tɔoya yɛ rɪa mɛa. Gajeonire riti tɔoɪarɛre josari ɲaroja ɪnare Dios ɪ rotirojɛ ɪna ejaroto. ²⁵Gawa jota gojere camello ɪ rɛta wa ɔmobjaja josari ɲaroja ɪre. Ito bajibojarocati gajeoni jaigɛ Dios ɪ rotirojɛ ɪ wa ɔmobjaja josari busa ɲaroja ɪre, yiyijɛ Jesús ɪ rɛca riasotirɛre.

²⁶Ito bajiro ɪ busija tɔocɔri, bɔto oca jaiyijarɛ ɪna. Ito bajiri ɪnamasiti gɔmeri senɪasɔoyijarɛ:

—Riti ɪ yijama, sɪgɔ Dios tɔ ejabiquɪji, yiyijarɛ ɪna.

²⁷Ito yija Jesús ɪnare ti maicɔri, ado bajiro ɪnare gotiyijɛ:

—Masa eja masiado manoja. Josari ɲaroja ɪnare. Dios sɪgɔti jeyaro masigɔ ɲami. ɲejɛa josarise manoja ɪre, yiyijɛ Jesús ɪnare.

²⁸Jesús ito yija tɔocɔri, Pedro cɔdiyijɛ ɪre:

—Queno tɔoya mɛ. Gɛa ya gajeonire jidicɔcɔri mɛre sɛya gɛa, yiyijɛ Pedro Jesure.

²⁹⁻³⁰Ito ɪ yija ado bajiro cɔdiyijɛ Jesús:

—Riti muare gotia yɛ. Gɔjerɛre Dios oca gotirona yɛre sɛyacɔri ɪna ɲarɛre cɔ warɛ yirɔji coriarɛ. ɪna ocabajirɛ, ɪna jacɛ, ɪna jaco, ɪna rɪa ito yicɔri ɪna ya wesecare cɔni cɔ warɛ yirɔji ɪna yɛre sɛyarona. Ito bajiro yirɔji ɪna gɔjerɛre Dios oca goti ɔmorɛ. No yɛre sɛya ɔmocɔri ɪ ɲarɛre cɔ wacɛre, queno yigɛ yiguɪji Dios ɪre. Jaje wiri, wesecari, ocabajirɛ, jacosaromia ito yicɔri rɪa jɔjarɛ ɪsigɔ yiguɪji Dios ɪre. Ito bajibojarocati yɛre sɛyacɔri quenabeto tɔbujagɛ yiguɪji ɪ. Ito bajicɔri ija catitiɲare ɪsigɔ yiguɪji Dios ɪre. ³¹Coriarɛ adocɔta ɲasari masa ɲabojarɔti, ija Dios tɔ ejacɔri ɲasari masa meje ɲarɛ yirɔji ɪna. Gɔjerɛma adocɔta ɲasarɛ meje ɲabojarɔti ija Dios tɔ ejacɔri ɲasari masa ɲarɛ yirɔji ɪna, yiyijɛ Jesús ɪnare.

Yɛre sɪarɛ yirɔji, Jesús ɪ yi busisusare gaye

(Mt 20.17-19; Lc 18.31-34)

³²Jerusalɛnjɛ wara mana wayijarɛ ɪna. ɪ rɛca riasotirɛ riojɛa wayijɛ Jesús. Ito ɪre ɪna sɛya waroca tɔoɪa oca jaiyijarɛ ɪna. “ɔNo yija Jerusalɛnjɛ ɪ waja

güibeati Jesús?” yi tuoïayijarã ñna. Ñna bero sũyarãma buto güiyijarã. Masa ñna güija ticõri, ricati ï rãca riasotirãre goti remosusayijũ Jesús ï godaroti gaye:

33—Queno tuoïya mua. Jerusalénjũ warã ya mani. Itoju Masa Rijorũ yũ ñajare yũre ñiarã yirãji masa. Paia ujarã ito yicõri judio masa rotirise riasori masare cuni ïsirona yũre ñiarã yirãji ñna. Ito bajiri yũre boca ãmicõri sĩa rotirã yirãji ñna. “Ïmo ïre sĩaña”, yirã yirãji ñna gawa masare. 34 Ito yicõri yũre aja tudirã yirãji ñna. Yũre go ide eobate gurã yirãji ñna. Yũre bajerã yirãji ñna. Ito yicõri yũre sïarã yirãji ñna. Ito bajibojarocati udia rumũ bero tũdi catigũ yigũja yũ mucana, yiyijũ Jesús ñnare.

Santiago mesa Jesure ñna seniã ãmore gaye

(Mt 20.20-28)

35 Ito yija Zebedeo rĩa Juan, Santiago cuni eja rügũyijarã ñna Jesús tũ: —Tuoïya Riasogu mũ. “Ado bajiro guare queno yiya”, mũre gua seniã mũ cũdire ãmoa gua, yiyijarã ñna Jesure.

36 Ito ñna yija tuocõri, ado bajiro cũdiyijũ Jesús:

—¿No bajiro yũ yire ãmoati mua? yiyijũ Jesús ñnare.

37—Mũ rotiroju gua ejaroca mũ rãca guare ruji rotiba mũ. Sïgũre mũ riojocadũjajũ ito yicõri gãjire mũ gãcodũjajũ mũ ruji rotire ãmoa gua, yiyijarã ñna Jesure.

38 Ito ñna yija tuocõri, ado bajiro cũdiyijũ Jesús:

—Mũa yũre senibojarisere queno tuo masibeã mua. Quenabeto yũ tuoïaroca yirã yirãji masa yũre. ¿Yũre bajiroti quenabeto tuoïa ñnecũti masirã yirãjida mũa cuni? yiyijũ Jesús ñnare.

39—Ñnecũticõrãji gua, yiyijarã ñna Jesure.

Ito ñna yija ado bajiro yiyijũ Jesús:

—Riti mũare gotia yũ. Quenabeto yũ tuoïaro bajiroti quenabeto tuoïarã yirãji mũa cuni. 40 Ito bajibojarocati yũ rãca mũare ruji roti masibeã yũ. Yũ riojocadũja, gãcodũja cuni Dios sïgũti yũ tũ rujironare rotigũ yigũji. Itoju rujiado ñnare queno ïsigũ yigũji Dios, yiyijũ Jesús ñnare.

41 Ito bajiro ñna busija, gãjerã Jesús rãca riasotirã jua dũjamocõ ñnarã tuoïyijarã. Ito bajiri ñnare tuocõri Juan, Santiagore cuni junisini tiyijarã ñna. 42 Ito bajija ticõri, ñnare jimioyijũ Jesús:

—Wi uju sïgũ ï ñaja iti wi gãnare roti masigũji. Ito bajiroti masa uju sïgũ ï ñaja wi ujarãre roti masigũji ï. 43 Ñnare bajiro bajibitirũja mũare. Ado robojua baja. Mũa wato no uju ña ãmogũti gãjerãre moa ïsija quena. 44 No ñasagu ña ãmogũti gãjerãre ejabũja quena. Ñnare moa ïsiri masũ robo bajiroti ï moa ïsija quena. 45 Yũ ña Masa Rijorũ. Masa yũre moa ïsijaro yirocũ meje wadicũ yũ adi sitajũ. Masare ejabũarocũ wadicũ yũ. Masare goda ïsirocũ wadicũ yũ. Ito yicõri ñna ñeñaro yirise waja, waja yĩ ïsirocũ wadicũ yũ, yiyijũ Jesús ñnare.

Cajea macure Jesús i yisiore gaye
(Mt 20.29-34; Lc 18.35-43)

⁴⁶Mucana wacõri Jericó wame cutiri cutoju ejayiju Jesús ire suyará rãca. Iti cutoju Jesús i budiroca i rãca riasotirã rãca, masa gãjerã suyayijarã ire. Ìna wari ma tu rujiyiju tibicu, Bartimeo wame cutigu. Timeo macu ñayiju i. Gajeoni macu ñari gãjerã ire queno yitoni buto josayiju Bartimeo. ⁴⁷Jesús Nazaret gagu i rëta waja tuocõri, buto awasãre rãca ire jiyiju tibicu:

—Tuoya Jesús mu. David ñayoru janerãbatia janami ña mu. Yure ti maiña mu, yiyiju tibicu Jesure.

⁴⁸Ito bajiro i yija tuocõri, jãjarã ire tudiyijarã tibicure: “Busibesa mu”, yiyijarã masa ire. Ito bajiro ña yibojarocati buto busa awasãyiju mucana:

—Tuoya David janami mu. Yure ti maiña mu, yiyiju tibicu Jesure.

⁴⁹Ito bajiro tibicu i yija tuocõri, tuja rügõcoayiju Jesús ija.

—Ìre jiya mua, yiyiju Jesús masare.

Ito i yija tibicure jiyijarã ña:

—Wanã oca seõña. Ito yicõri wumu rügũña. Jesús mure jiami, yiyijarã masa tibicure.

⁵⁰Ito bajiro ña yija tuocõri, Jesús tũju warocu yutabuju joegadore ruacõri bubu quedi rügũ wayiju i. ⁵¹Ì ejaja ticõri, ado bajiro yiyiju Jesús ire:

—¿No bajiro yu yire ãmoati mu? yiyiju Jesús ire.

—Tuoya Riasogu mu. Yu ya cajea ruyubea yure. Ti ãmoa yu, yiyiju tibicu Jesure.

⁵²Ito yija ado bajiro ire cudiyiju Jesús:

—Wasa mu. “Jesús yure yisiocõgũ yiguĩji”, mu yi tuoãajare mure yisioa yu, yiyiju Jesús tibicure.

Ito bajiro Jesús i yirocaci ticoayiju tibitibojaru ija. Ito bajiri Jesure saya wayiju i tibitija bero ticõri.

Jerusalénju Jesús i ejare gaye
(Mt 21.1-11; Lc 19.28-40; Jn 12.12-19)

11 ¹Jerusalén sõjua busa Olivos wame cutiri turia tu ejayijarã. Itoju jua cuto ñayiju. Betfagé, Betania wame cutiri cutori ñayiju iti turia tu. Ito tu busa ejacõri i rãca riasotiri masa jãarãre cõayiju Jesús. ²Ado bajiro gotiyiju Jesús ñnare:

—Mani riojo ñari cutoju wasa. Itoju burro macu sia rügõrure bujarã yirãji mua. Noa masa mua jeaã ya macu ñaguĩji maji. Ìre õjama. Ito yicõri ñre ãmi wadiba. ³Gãjerã muare seniãaja: “¿No yirã ñre ãmi wati mua?” ña yija, ado bajiro cudiba mua: “Mani Uju ãmoami ñre. Ito bajiri ãmi waju gua. Nocõ mejeti juda cõagũ yiguĩji mucana”, yi gotiba, yiyiju Jesús ña jãarãre.

⁴Ito i yija tuocõri, wayijarã ña. Ito ejacõri maju ña sia rügõrure ti bujayijarã ña. Soje tuti rügõyiju i. Ìre bujacõri õjayijarã ña.

⁵Itoju ñarã ñnare ado bajiro seniãayijarã:

—¿No yirona yati mua? ¿No yija burro macure òjati mua? yiyijarã ñna.

⁶Ito ñna yija tuocõri, Jesús ï rotiado bajiroti cadiyijarã ñna. Ito bajiri itijũ gãna Jesús rãca riasotirãre wa rotiyijarã. ⁷Ito yija burro macure ãmi wayijarã Jesús tujũ. Ito yicõri ñna ya yutabujuri burro macu joejũ jeoyijarã. Ñ tu ñna ãmi ejarocati burro joejũ muja jeayijũ Jesús. ⁸Jãjarã masa ñna ya yutabujuri ruacõri ï riojũa yutabujuri eyocũ yuyijarã ñna. “Gua Ujũ ña mu”, yirona ito bajiro yiyijarã masa Jesure rucubũorã. Gãjerã mimi caeri jatacõri jidicũ yuyijarã ï cãdatoni.

⁹Jesús riojũa ùmatũarã cuni ï berojũa suyãrã cuni ruje awasãyijarã masa wanũ quenarã:

—Dios sigũti ñami quena busagũ. Dios Macu ï cõaru Ujũ quenagũ ñami ï.

¹⁰Mani ñicu David ñayoru ï rotija quena ñayijũ. Ito bajiroti quenari rodo ñaro yiroja macana. Dios sigũti ñami quena busagũ, yiyijarã ñna wanũ quenarã.

¹¹Ito bajiro ñna yiroca riti Jerusalénjũ ejayijũ Jesús. Ito ejacõri Dios ya wi sãjayijũ ï. Jeyaro ti batoyijũ Jesús. Ito bero iti rãioja ticõri, Betaniajũ tãdi wayijũ Jesús ï rãca riasotirã rãca. Jua gũbojeno ñayijarã ñna, ï rãca riasotirã.

Higuera rica manigũre Jesús ï rojare gaye

(Mt 21.18-19)

¹²Gaje rumũ Betaniana wayijarã ñna. Ñna waroca Jesús ñiocõyijũ. ¹³Sõjũna higuera wame cutiricu tiyijũ Jesús. Rãjagũ robo bajiricu ñacu higuera wame cutiricu. Queno jũ cutiyijũ. Ito bajiri tigũ wayijũ Jesús higuera gũ ricare barocũ. Ito bajibojarocati higuera gũ tu ejacõri jũ riti bũjayijũ Jesús. Rica mañijũ cũma meje ñajare. ¹⁴Itigũ rica manija ticõri, ado bajiro yiyijũ Jesús itigũre:

—Mu ya ricare tãdi bamenaji masa. Rica mano yiroja ñja, yiyijũ Jesús itigũre. Ito bajiro ï busija tuoyijarã ï rãca riasotirã.

Dios ya wijũ niyeru wasoari masare Jesús ï bucõare gaye

(Mt 21.12-17; Lc 19.45-48; Jn 2.13-22)

¹⁵Jerusalén tãdi ejacõri Dios ya wi sãjayijũ Jesús ï rãca riasotirã cuni. Ito sãja ejacõri ito waja gãme ñarãre bucõayijũ Jesús. Niyeru wasoarãre ñna ya niyeru jeoado tujũda queoyijũ Jesús. Ito yicõri buja waja gãmerã ye ñna ya cumurori tujũda cõayijũ Jesús. ¹⁶Ito bajiri Dios ya wijũ gajeoni ãmi wa rotibisijũ ñnare. ¹⁷Ito yicõri ado bajiro masare riasoyijũ:

—Ñ oca tutina ado bajiro gotiami Dios: “Yũre rucubũora wi ñaro yiroja yũ ya wi. Masa jeyaro yũre busirã yirãji iti wijũ sãjacõri”, yi gotia Dios oca. Ito bajiro mua yija riniri masa ñna rudiri wi bajiro godo weoa mua Dios ya wire, yiyijũ Jesús.

¹⁸Ito bajiro Jesús ï yija tuocõri, “¿No bajiro ñre sãarũjati mani?” yi tuõayijarã paia ùjarã, judio masa rotirise riasori masa cuni. Masa jeyaro ñre riti ñna tuorũnũjare, ito bajiro tuõayijarã ñna, Jesure gũirã. ¹⁹Rãiocũro ñaroca iti cõtore wayijũ Jesús ï rãca riasotirã rãca.



(San Marcos 11.15-16)

Higuera rica manigü iti siniare gaye

(Mt 21.20-22)

²⁰ Gaje ramu busuri jiju mucana mana warä higuera wame cutiricu tu ejayijarä ina. Ito ejacöri higuera gu iti siniaja tiyijarä ina. Ne mari cuni siniacoayiju itigu ija. ²¹ Itocöti Jesús i busigore tuoia bujayiju Pedro:

—Tiya guare Riasogu mu. Itigure mu rojaja bero sinicoayija itigu ija, yiyiju Pedro Jesure.

²² Ito i yija tuocöri, ado bajiro gotiyiju Jesús i räca riasotiräre:

—Diore mua tuorünuja quena. “Diore gua senija cudigu yiguüji”, mua yi tuoiaja quena, yiyiju Jesús inare. ²³ Riti muare gotia ya. Diore tuorünucöri, i turiare, “Cani rügücöri riaca jajosaju quedi roaya”, mua yija ito bajiroti retaro yiroja. Diore senicöri, “Yu senirise cudibiquüji Dios”, yi tuoibesa mua. Diore senicöri, “Yu senirise cudigu yiguüji Dios”, yi tuoiaña mua. Mua ito yijati ito bajiroti retaro yiroja. ²⁴ Ito bajiri Diore senicöri: “Yure cudicäni i”, yi tuoiaña mua ya usina. Mua ito yijati muare cudigu yiguüji Dios. Ito yicöri mua amorise muare isigü yiguüji i. ²⁵ Diore busiräti, gäjerä ñeñaro ina yirise äcabojoja quena. Ito bajiro mua yijati, mani Jacu ümacüju gagu mua ñeñaro yirisere äcabojoju yiguüji i cani. ²⁶ Ito bajibojarocati muare gäjerä ina ñeñaro yirisere mua äcabojobeja, mani Jacu ümacüju gagu mua ñeñaro yirise äcabojobiquüji i cani, yiyiju Jesús inare.

¿Ñimū ī rotijare ito bajiro yati mū? yi Jesure īna seniīare gaye
(Mt 21.23-27; Lc 20.1-8)

²⁷Ito yija bero Jerusalénju tūdi wayijū Jesús ī rāca riasotirā rāca. Itoju ejacōri Dios ya wi wayijū Jesús. Ito ī ña ucurocati ī tū eja rūgūyijarā paia ūjarā, judio masa rotirise riasori masa ito yicōri judio masa bucurā cūni.

²⁸Ito ejacōri ado bajiro Jesure seniīayijarā īna:

—¿Dios ya wijū masare mū bucōaja, ñimū roticati mure? ¿Ito yicōri ñimū ī rotirise rāca ito bajiro yicati mū? yiyijarā īna Jesure.

²⁹Ito īna yija tūocōri, ado bajiro cūdiyijū Jesús:

—Yū cūni coji gaye mūare seniīa āmoa. Mūa yūre cūdija tūocōri, yūre rotigū wame gotigū yigūja yū mūare. Ado bajiro mūare seniīa yū:

³⁰¿Juan masare idé gutoni, ñimū rotiyijari īre? ¿Dios rotiyijarite īre? ¿Masajūa rotiyijarite? Yūre cūdiya mūa, yiyijū Jesús īnare.

³¹Ito ī yija tūocōri, īnamasiti gāmeri tūoia būsuyijarā:

—¿No bajiro īre cūdirāti mani? “Juan masare idé gutoni cōayijū Dios”, mani yija, “¿No yija Juanre tūobiticati mūa?” manire yigū yigūiji Jesús. ³²Ito bajibojarocati, “Masa rotiyijarā Juanre”, mani yija, manire junisinirā yirāji masa. “Juanre cōayijū Dios”, masa īna yi tūoīajama, ¿no bajiro Jesure cūdirā yirājida mani? yi tūoīayijarā paia ūjarā. ³³Ito bajiri:

—Masibea gua, yiyijarā īna Jesure.

Ito īna yijare:

—Bau, yūre rotirū wame gotibicūja yū cūni mūare, yiyijū Jesús īnare.

Queno moare rujeo masimena Jesús ī yire gaye

(Mt 21.33-46; Lc 20.9-19)

12 ¹Goti masiore ocana ado bajiro masare riasoyijū Jesús: —Sīgū ūyé wese oteyijū ī. Ito yicōri masa īna rinime yirocū camotayijū ī wesecare. Ito yicōri ūyére wañiaroti goje meniyijū ūyé idere ñurocū. Ito yicōri ūmari wi meniyijū ī ya wesecare, tirūnucūja, yiroca. Ito yija bero gājerāre ado bajiro gotiyijū ī: “Yū ya wesecare mūa codeja mūare waja yigū yigūja yū”, yiyijū ī īnare. Ito yicōri wa ucugū wacoayijū īja. ²Yoa busarijū ūyé rica bucuaroca ī ya moari masure cōayijū ūyé īre āmi īsitoni. ³Ūyé weseju ī ejaroca īre ñiacōri jayijarā weseca coderi masa. Īre ūyé īsimenati, “Wasa”, yiyijarā īna. Ito bajiri ñe manoti tūdi ejayijū īre roti ñucarū tū. ⁴Ūyé ī āmibeja ticōri, gāji moari masure cōayijū weseca ūju, ūyé īre āmi īsitoni. Ūyé weseju ī ejaja ticōri, īre cūni jayijarā īna. Ito bajiri ī ya rijogajū camī cutiyijū ī. Ito bajiro īre yicōri ñeñaro būsuyijarā īna. ⁵Ito bajiro īre īna yija ticōri, mūcana gājire cōayijū iti wese ūju. Ī ejaja ticōri, īre sīayijarā weseca coderi masa. Ito bajiri jājarā busa cōayijū iti wese ūju īja. Īnare cūni ito bajiroti yiyijarā weseca coderi masa. Coriarāre buto jayijarā. Gājerāre sīayijarā īna.

⁶Sīgū macū cutiyijū iti wese ūju. Īre buto maiyijū ī. “Yū macure rūcūbuorā īre tūorā yirāji īna”, yi tūoīayijū ī. Ito bajiri ī macure cūni cōasusayijū ī īja. ⁷Ito bajiri

weseca ɥju macu ĩ ejaja ticōri, ado bajiro gāmeri busiyjarā weseca coderi masa: “Adi wese ɥju macu ñami āni. ĩ jacu godaja bero adi wese ĩ ya wese ñaro yiroja. ĩre sīato mani adi wese ɥjarā ñarona. Ito bajiri mani ĩre sīaja bero mani ya wese ñaro yiroja ĩja”, yiyjarā ĩna. ⁸Ito bajiri ĩre ñiacōri sīayjarā ĩna. Ito yicōri ĩ ya rujure weseca tunimaju cōayjarā ĩna. Itocōti ña adi oca, yiyju Jesús ĩnare.

⁹Ito bajiro ĩnare goti tīocōri, ado bajiro seniāyiju Jesús masare:

—¿No yigu yiguĩjida weseca ɥju ĩnare? Ado bajiro yigu yiguĩji ĩ. Weseca coderāre sīagũ wacu yiguĩji ĩ. Ito yicōri gājerāre weseca code rotigu yiguĩji ĩ, yiyju Jesús ĩnare.

¹⁰Gaje ado bajiro gotiyiju Jesús:

—¿Dios oca tutire tīabeati mua? Tɥoya mua ado bajiro gotia:

Gũta wi meniri masa coga gũtagā cōayjarā ĩna. Ito bajibojarocati gaje gũta rēto busaro quenarica ñayiju ĩna cōabojaraga. Itiga gũtagāna suoriti quenari wi menigũ yiguĩji Dios. Itiga gũtagā manija, ñe menire manoja ĩja.

¹¹Ito bajiro āmoñi Dios mani ɥju. Ito bajiri itire masicōri bato tɥoĩa wanua mani, yi gotia Dios oca.

Ito bajiro yiñi Dios yure rētaroti tɥoĩa yugu, yiyju Jesús ĩnare.

¹²Ito bajiro Jesús ĩ yija tɥocōri, ĩre ñia āmobjayijarā iti cuto ñari masa. “ ‘Ito bajirā ñama ĩna’, manire yirocu iti ocare gotimi Jesús”, yi tɥoīayijarā ĩna. Ito bajibojarocati masare gũirā Jesure ñabisijarā ĩna. Ito bajicōri itijuna wacoayijarā ĩna ĩja.

ɥjarāre mani waja ruyurioja ñaro bajiroti waja yija quena, Jesús ĩ yire gaye
(Mt 22.15-22; Lc 20.20-26)

¹³Fariseo gaye tɥoīarā, Herodes ĩ baba mesa cuni ejayijarā ĩna Jesús tɥju. ĩna ɥjarā rotija tɥocōri, Jesús tu wayijarā ĩna. “Jesús ĩ cudi masibeja, ĩre oca meni masirā yirāji mani”, yi tɥoīacōri ĩ tu ejayijarā ĩna.

¹⁴ĩ tu ejacōri ado bajiro yiyijarā ĩna:

—Tɥoya Riasogu mu. Riojo gotigu ña mu. Masa mure busituja gujjobea mure. “Masa jeyaro coro bajiroti ñama”, yi tɥoĩa mu. Dios ĩ gotirisere riojo riasogu ña mu. Riojo gotigu mu ñajare mure seniia gua: “¿Roma cuto gagu ɥjure ĩ rotiado bajiroti ĩre gua waja yija quenati? ¿ĩre gua waja yibeja cuni quenatite?” yi seniāyijarā ĩna Jesure.

¹⁵ĩna tɥoīarise masiyiju Jesús. Ito bajiri ado bajiro ĩnare cūdiyiju ĩ:

—¿No yija yure rɥo āmoati mua? Niyeru cuji yure āmi ĩsitēña. Tirocu ya yu, yiyju Jesús ĩnare.

¹⁶Ito ĩ yija tɥocōri, niyeru cuji ĩre āmi ĩsiyijarā ĩna. Iti cujire ticōri ado bajiro ĩnare seniāyiju Jesús:

—¿Ñimũ ya rio ñati mua tija? Ito yicōri, ¿ñimũ wame ucare wāñati ado? yiyju Jesús ĩnare.

Ito yija ado bajiro Jesure cūdiyijarā ĩna:

—ɥju César ya rio bajiro baja, yiyjarā ĩna Jesure.

¹⁷Ína ito yija tʷocōri, ado bajiro cʷdiyijʷ Jesús:
—César ye iti ñajama ïre ïsija quena. Ito yicōri Dios ye iti ñaja cʷni ïre ïsija quena, yiyijʷ Jesús ïnare. Ito bajiro Jesús ï yija tʷo ʷcayijarā ïna.

¿Godacōri tʷdi caticoarā yirājida masa? yi Jesure ïna seniïare gaye
(Mt 22.23-33; Lc 20.27-40)

¹⁸Ito yija saduceo gaye tʷoïarā coriarā Jesure tirona ejayijarā ïna. “Masa ïna godaja tʷdi catire ma”, yi tʷoïarā ñayijarā saduceo gaye tʷoïarā. Ito bajiri Jesure seniïarona ejayijarā ïna ï tʷ:

¹⁹—Tʷoya Riasogu mʷ. Ado bajiro manire ucañi Moisés ñayoru: “Rïjoru ñasʷogu rïa macʷti ï manojore ï godagoja ï ocabaji manoyo cʷti wasoaja quena. Ito bajiro yigʷti ï rïjoru ñabojarure rïa cʷti ïsigʷ yigʷuijʷ”, yi ucañi Moisés ñayoru, yiyijarā ïna Jesure. ²⁰Ito bajiri mʷcana gaje oca goti remoyijarā ïna Jesure:

—Jane mejeju sigʷ ñayijʷ. Co ãmojeno ñarā ocabajirā cʷtiyijʷ ï. Cajero manoyo cʷtisʷoyijʷ ñasʷogu. Rïa macʷti ï manojore godagocoayijʷ ï. ²¹Ito bajiri manʷju godagorore manoyo cʷtiyijʷ ï bero gagʷ mʷcana. Ito yicōri ï cʷni rïa macʷti cōcoayijʷ. Ito bajiri ï bero gagʷ iso rācati manoyo cʷtiyijʷ mʷcana. ²²Ito bajiroti ñasʷogu ñajacu ï ocabaji mesa ïna jeyaro isore manoyo cʷtibojayijarā ïna. Iso rāca rïa cʷtimena riti goda jedicoayijarā ïna. ïna goda jedija beroju godayijo ïna manoyo ñabojaro ïja. ²³“Masa ïna godaja mʷcana tʷdi catirā yirāji”, ya mʷ. Riti mʷ gotija, ¿ñimʷ rāca manʷju cʷtigo yigʷjida iso mʷcana tʷdi caticōri? ïna jeyaro manoyo ñañi iso, yiyijarā saduceo gaye tʷoïarā Jesure.

²⁴Ito ïna yija tʷocōri, ado bajiro cʷdiyijʷ Jesús:

—Dios oca tutire masíbea mʷ. ï masirisere cʷni masíbea mʷ. Ito bajiri masibiticōri, wisa mʷ. ²⁵Tʷdi catirā yirāji masa Dios tʷ cati ñarona. Itoju manoyo cʷtímenaji masa. Ũmacʷju Dios ñaro gāna ángel mesa robo bajirā ñarā yirāji masa, yiyijʷ Jesús ïnare.

²⁶Ito yija gaje goti remoyijʷ Jesús ïnare: “Godabojarāti mʷcana tʷdi catirā yirāji masa. ¿Moisés ñayoru ï ucare tiiabeati mʷ? Yucu ʷjuricu watoju Dios ï busire ruyuyijʷ Moisésre. Ado bajiro Moisésre busiyijʷ Dios: ‘Abraham ñayoru yure rʷcʷbuogu yami. Isaac ñayoru ito yicōri Jacob ñayoru cʷni yure rʷcʷbuorā yama ïna’, yiyijʷ Dios Moisés ñayorure. ²⁷Ína ʷdiarā yure rʷcʷbuorā yama’, Dios ï yija, catiri seyoama ïna. Dios tʷju ñarāji ïna. Godarā meje ñama ïna. Bʷto tʷoïa wisa mʷ”, yiyijʷ Jesús saduceo gaye tʷoïarāre.

Dios ï rotirise ñasarise gaye
(Mt 22.34-40)

²⁸Judio masa rotirise riasori masʷ Jesús rāca ïna busiroca tʷo ñayijʷ ï. Ito bajiri, “Queno cʷdiami Jesús”, yi tʷo ñayijʷ ï. Ito bajiri Jesús tʷju wayijʷ ï ïja ïre seniïarocu:

—¿Diseju ñati Dios rotirise ñasarise? yi seniïayijʷ ï Jesure.

²⁹Ito yija ado bajiro cʷdiyijʷ Jesús ïre:

—Dios ï rotirise ñasarise ado bajiro gotia: “Təoya Israel sita gāna m̄a. Dios sīgūti ñami mani Ʋj̄. ³⁰Dios mani Ʋj̄re b̄to mani maija quena. Mani ya ʁsij̄na, mani t̄oīarisena, ito yicōri mani s̄orisena c̄ni Diore b̄to mani maija quena”, yi gotia Dios ï rotirise ñasarise. ³¹Iti bero gaye ito bajiroti gotia: “Manimasiti mani mairo bajiroti gājerāre c̄ni maija quena”. Disej̄a gaje Dios ï rotirise r̄toro ñasarise manoja, yiyij̄ Jesús judio masa rotirise riasori mas̄re.

³²Ito yija ado bajiro yiyij̄ judio masa rotirise riasori mas̄ Jesure:

—Queno ya riasogu m̄. Ri ya m̄. Dios sīgūti ñami. Nij̄a gāji mami. Ito m̄ yirise riti ña. ³³Mani Diore maija quena. Mani ya ʁsij̄na, mani t̄oīarisena ito yicōri mani s̄orisena c̄ni Diore maija quena. Manimasiti mani mairo bajiroti gājerāre c̄ni maija quena. Diore mani maija, masare c̄ni mani maija, iti ña ñasarise. Diore waib̄c̄r̄a soe ĩsiado r̄to b̄saro quena ñaroja Diore ito yicōri masare c̄ni mani maija, yiyij̄ judio masa rotirise riasori mas̄ Jesure.

³⁴Ī queno c̄dija t̄ocōri, ado bajiro yiyij̄ Jesús ĩre:

—Ȳ tija jabeto r̄ya, “Ȳ Ʋj̄ ñami Dios”, m̄ yi t̄oīaroto, yiyij̄ Jesús ĩre.

Ito bajiro Jesús ĩ yija t̄ocōri, sīgūj̄a senīa remo yibisij̄arā ĩja. “Mani r̄toro masigū ñaguĭji Jesús”, yi t̄oīayij̄arā ĩna. Ito bajiri ĩre senīa remobisij̄arā ĩja.

¿Ñim̄ janami ñayij̄ari Cristo m̄a tija? yi Jesús ĩ senīare gaye
(Mt 22.41-46; Lc 20.41-44)

³⁵Co r̄m̄ Dios ya wij̄ masare riaso ñagū ado bajiro senīayij̄ Jesús ĩnare:

—“David ñayor̄ janerābatia janami ñaguĭji Cristo”, yicā Dios ï rotirise riasori masa. ¿No yija itire yicati ĩna? ³⁶Jane mejej̄ Esp̄ritu Santo ĩ ejab̄arisena ado bajiro ucañi David ñayor̄:

Cristo, Dios cōar̄ ȳ Ʋj̄ ñami ĩ. ĩ ñic̄j̄ ȳ ñabojarocati ȳ Ʋj̄ ñami Cristo, yi ucañi David ñayor̄. Gaje uca remoñi David: Ȳ Ʋj̄ Cristore ado bajiro gotiñi Dios: “Ȳ ya riojocad̄ja ruj̄ya. M̄ wajanare m̄ rotiroca yiḡ yiḡja ȳ”, yiñi Dios ȳ Ʋj̄re, yi ucayoñi David.

³⁷¿No yija, “Ȳ Ʋj̄ ñami Cristo”, yiyij̄ari David ñayor̄? Cristo David janerābatia janami ñacōri, ¿no bajiro David Ʋj̄ bajiyij̄ari Cristo? David ñayor̄ janerābatia janami ĩ ñaja, “Ȳ Ʋj̄”, yibitibor̄ David, yiyij̄ Jesús ĩnare.

Jesús queno b̄sija t̄ocōri, wan̄ quenayij̄arā masa.

“Seti ña m̄are”, fariseo gaye t̄oīarāre Jesús ĩ yire gaye
(Mt 23.1-36; Lc 11.37-54; 20.45-47)

³⁸Masare ado bajiro riasoyij̄ Jesús:

—Judio masa rotirise riasori masa robo m̄a yibe yirona queno t̄oīañā m̄a. Tite. Ado bajiro yama ĩna. Yutabujuri quenarise yoarise s̄ñacōri masa ĩna tiro riojo wa ucu āmorāji ĩna. Ito yicōri c̄to gudareco gājire

ina canamuoja, rucubore rāca seniāre āmorāji ina. ³⁹Minijuara wijū sājacōri rucubora cumuro riti ruji āmorāji ina. Ito yicōri basari rāmū cūni nāsari masa tū riti ba ruji āmorāji ina. ⁴⁰Manujū godagoana romiare cūni ina ya wiri ēmarāji ina. Ito yicōri masa ina tiro riojo yoari Diore busirāji ina. “Queno yirā nāma ina”, masa yi tuoīajaro yirona yoari Diore busirāji ina. Ito bajiro ina yija quenabetoja. Ito bajiri ñeñaro ina yirise waja, waja yirā buto busa quenabeto tōbujarā yirāji ina. Ina robo mūa yibe yirona queno tuoīaña mūa, yiyijū Jesús masare.

Wajeago bojoro bujago Diore niyeru iso isire gaye

(Lc 21.1-4)

⁴¹Co rāmū Dios ya wi sājacōri niyeru cūra jedo tū rujiyijū Jesús. Iti jedoju masa ina niyeru Diore cū isija tiyijū Jesús. Gajeoni jairā jaje niyeru Diore cū isiyijarā iti jedoju. ⁴²Ito yija bojoro bujago ejayijo. Manujū godagoro ñayijo iso. Jua cuji niyeru cujiri sāyijo iso. Cobre ñayijū iti cujiri. Jabetacā waja cutirise ñayijū iso sārise. ⁴³Ito yija ī rāca riasotiri masare jimioyijū Jesús:

—Riti mūare gotia yū. Adio bojoro bujago ñabojagoti queno Diore isimo iso. Gajeoni jairā rēto busaro isimo iso. ⁴⁴Gajeoni jairāre jaje ña niyeru. Ina isibojarocati jairo rāya inare maji. Isoama bojoro bujago ñabojagoti isi jeomo iso. Iso bare waja yiroti Diore isi jeocōmo iso, yiyijū Jesús ī rāca riasotirāre.

Dios ya wi ojea bate godaro yiroja, Jesús ī yire gaye

(Mt 24.1-2; Lc 21.5-6)

13 ¹Dios ya wijū ñarū Jesús ī budirocati ado bajiro yiyijū ī rāca riasotigū:

—Tiya Riasogū mū. Quenari wi ña iti wi. Gūta quenarisena queno wi meniñi ina, yiyijū ī Jesure.

²Ito ī yija tuocōri, ado bajiro cudiyijū Jesús ire:

—Iti wire queno tiya mū. Jana batecōrā yirāji masa iti wire. Ito yicōri ñajediro gūtagārire rea baterā yirāji masa. Ito bajiri adi wi gaye gūtagā gajega joe jesabeto yiroja. Ñarocōti godacoaro yiroja, yiyijū Jesús ire.

Adi ũmūari jediroto riojua ado bajiro rētarō yiroja, Jesús ī yire gaye

(Mt 24.3-28; Lc 21.7-24; 17.22-24)

³Ito yija bero Olivos wame cutiri turia majacōri rujiyijū Jesús. Iti turia riojo sōjū busa ñayijū Dios ya wi. Jesure ricati oca seniārona ī tū eja rūgūyijarā Pedro, Santiago, Juan, ito yicōri Andrés cūni:

⁴—¿Nocāta rētarō yirojada mū yirise? ¿No bajiro ti masirā yirājida gua? Mū yirise rētaroto riojua, ¿ñere tisurōrā yirājida gua? yiyijarā ina Jesure.

⁵Ina ito yija tuocōri, ado bajiro gotiyijū Jesús inare:

—Queno tuoīaña gājerā mūare rube yirona. ⁶“Dios ī cūana ña gua”, yi rurōrā yirāji ina mūare. Ito bajiroti masa jājarāre rurōrā yirāji ina.

7'Masa gāmeri jarise ocare mua tʉoja, gūibeja. Ito yicōri masa gāmeri sīarise ocare mua tʉoja cūni, gūibeja. Ito bajiroti rētarō yiroja. Ito bajibojarocati susari rʉmʉ meje n̄aroja maji. Jaje n̄eñarise rētarō yiroja susari rʉmʉ ejaroto riojua. 8'Co butu gāna gāmeri sīarā yirāji gaje butu gāna rāca. Ito yicōri co sita gāna gāmeri sīarā yirāji gaje sita gāna rāca. Co cuto rʉyabeto sita ʉero yiroja. Ito yicōri bare jediro yiroja. Ito bajiri n̄iocōrā yirāji masa. Quenabeto tōbʉjasuorā yirāji īna. Ito bajibojarocati buto busa rētarō yiroja maji.

9'Queno masima gājerā mʉare n̄iame yirona. Mʉare n̄iacōri n̄asari masa tʉ āmi warā yirāji īna. Ito yicōri minijuara wijʉ mʉare bajerā yirāji īna. Yʉre tʉorūnʉrā mua n̄ajare ʉjarā riojo mʉare jidi rūgōrā yirāji. Īna tiro riojo, “Jesure tʉorūnʉrā n̄a gua”, yirā yirāji mua. 10'Susari rʉmʉ riojua Dios oca quenarisere masa jeyaro masi jedirā yirāji īja. 11'Mʉare n̄iacōri ʉjarā riojo mʉare āmi cūrā yirāji īna. Ito bajiro mʉare īna yibojarocati gūibeja. ʉjarāre mua cūdiroti buto tʉoīa oca jaibeja. Īnare mua queno cūditoni gotigʉ yiguīji Espiritu Santo. Mua meje busirā yirāji. Espiritu Santo mʉare quedi sājacōri busigʉ yiguīji ī, yiyijʉ Jesús ī rāca riasotirāre.

12'Mʉcana ĩnare gaje goti remoyijʉ Jesús:

—Sīgʉ rīa n̄abojarāti īna n̄arāre sīa rotirā yirāji. Ito yicōri īna jacʉ ī rīare sīa rotigʉ yiguīji ī. Ī rīa cūni ito bajiroti īna jacʉre sīa rotirā yirāji. 13'Yʉre mua tʉorūnʉja ticōri, buto junisirā yirāji īna. Ito bajibojarocati no yʉre tʉorūnʉgʉreti masogʉ yiguīji Dios. Īre catitīnare isigʉ yiguīji Dios, yiyijʉ Jesús ĩnare.

14'Diore goti ĩsiri masʉ n̄ayorʉ ī ucagore ticōri queno tʉoīañā mua: “Co rʉmʉ, rʉmʉ buto buogʉ cūrā yirāji masa Dios ya wijʉ. Quenabetoja iti”, yi ucañi Diore goti ĩsiri masʉ. Īre mua tija ejori rudi waja. Judea sitajʉ mua n̄ajama, gʉtagʉjʉ rudi waja. 15'Mua ya wi rijogodojʉ mua n̄aja, gajeoni āmirā ruji wabeja. Mua ruji waborijʉ manojʉ mʉare. 16'Weseca moarā mua n̄aja cūni, yutabujure āmirā wijʉ tʉdi wabeja. Mua tʉdi waborijʉ manojʉ mʉare. 17'Romia rīa sānarā īna n̄aja buto guijoro yiroja susari rʉmʉri. ʉjurā rʉcorāre cūni ito bajiroti guijoro yiroja. 18'Susari rʉmʉ juebucʉ n̄aroca iti rētame yirona Diore seniña mua. 19'Susari rʉmʉri riojua n̄eñaro tōbʉjarā yirāji masa. Dios adi macārucūro ī rujeoja bero īna tōbʉjado rēto busaro tōbʉjarā yirāji masa īja. Ito bajiro mʉcana tʉdi rētabeto yiroja īja. 20'Yoari quenabiti rʉmʉri iti n̄aja sīgʉ rʉyabeto goda jedirā yirāji masa. Ito bajibojarocati ī n̄arā ī beseanare maicōri, yoari meje busati cūgʉ yiguīji quenabiti rʉmʉri.

21'Sīgʉ ī mʉare gotija: “Tiya adoju n̄ami Cristo”, ī yija, tʉobeja ĩre. Gāji mʉare ī gotija, “Titēña oju n̄ami, Dios ī cōarʉ”, ī yija, cūdibeja ĩre cūni. 22'Rʉori masa jājarā wadirā yirāji. “Yʉti n̄a Cristo”, “Yʉti n̄a Diore goti ĩsiri masʉ”, yirā yirāji īna. Ito yicōri masare rʉo āmorā īna masiro bajiro guijoro tiyamani ĩnare ĩorā yirāji īna. Dios ī beseanare cūni rʉo āmobojarā yirāji īna. 23'Queno tʉoīa masiña mua. Iti rētaroto riojua mʉare goticā yʉ. Ito bajiri queno bajiya mua, yiyijʉ Jesús ĩnare.

Yu Masa Ríjoru tũdi ejagu yigũja, Jesús ĩ yire gaye
(Mt 24.29-35, 42,44; Lc 21.25-36)

²⁴Quenabeto masa ĩna tũbũjari rũmũri bero ũmacañi ĩ busurise jediro yiroja. Nãmi gagũ ito bajiroti bajigu yigũji. Ito bajiri busumenaji ĩna ĩja. ²⁵Nocõa cũni nũrũorã yirãji. Ito yicõri quedirã yirãji ĩna. ²⁶Ito baji ñaroca yu Masa Ríjoru ñajare yũre tirã yirãji masa. Ide bueri watoju bũto masirise rãca wadigu yigũja yũ. Ito yicõri busurise rucogu wadigu yigũja yũ. ²⁷Ūmacũju Dios ĩ ñaro gãna ángel mesare cõagũ yigũja yũ masare ĩna ámitoni. Ito bajiri macãrucũro ñarocõti bata warã yirãji ĩna, Dios ĩ beseanare miojurona.

²⁸Higuera wame cãtiricũ ocare tũo masiña mũare yũ gotija. Ito bajiri itigu jũ buja ticõri, “Jabeto rũya cũma ejaroto”, yi masia mani. ²⁹Ito bajiroti yũ gotiado bajiroti iti rãtasũoja ticõri, “Jabeto rũya Masa Ríjoru ĩ tũdi wadiroto”, yi masirã yirãji mũa. Sõju meje ñagũ yigũja yũ. ³⁰Riti mũare gotia yũ. Adi rũmũri gãna ĩna goda jediroto riojua, yũ busiro bajiroti rãtarõ yiroja. ³¹Adi sita, macãrucũro cũni jedicoaro yiroja. Ito bajibojarocati yũ ocama jedibetoja. Yũ gotiado bajiroti rãtarõ yiroja.

³²No yicõri yũ tũdi wadiri rũmũ masire ma masare. Ūmacũju gãna ángel mesa cũni masimenaji. Yu Dios Macũ ñabojagũti masibea yũ cũni. Mani Jacũ Dios sigũti masiami yũ tũdi wadiroti rũmũ.

³³Ito bajiri queno tirũnũma mũa. Yũ wadiri rũmũ mũa masibeja queno tirũnũma mũa. ³⁴Mũare oca gotia yũ. Queno tũoya. Wi ẽju ñayiju sigũ. Wa ucugu warocũ ĩ ya moari masare wi code rotiyiju ĩ. ĩ waroto riojuaju ĩna moaroti gotiyiju ĩnare. Ito yicõri soje coderi masure tirũnu rotiyiju wi ẽju. ³⁵Ĩ robo bajiro wacũ yigũja yũ cũni. Ito bajiri queno tirũnũña mũa. Yũ wadiroti masibea mũa. Rãiocũro, ñami gũdareco, cara yujirocati, busuri yũ wadiroti masibea mũa. ³⁶Itocõti yũ ejaja canibeja. Masimena bajiro bajibeja. ³⁷Mũare yũ gotirise masa jeyarore goti jeocõa yũ. Queno tirũnũña mũa, yiyiju Jesús ĩnare.

Jesure ñia ámorã ĩna cũnre gaye
(Mt 26.1-5; Lc 22.1-2; Jn 11.45-53)

14 ¹Jua rũmũ rũyayiju basa ĩna meniroto. Naju wadarise uco wũoya mani bare basa ñayiju. Iti wame ñayiju Pascua. Iti rũmũri Jesure sĩa ámoyijarã paia ẽjarã, judio masa rotirise riasori masa cũni. Jesure ñia ámorã, “¿No bajiro ĩre oca menirũjati mani?” yi tũoĩayijarã ĩna. ²Ado bajiro yiyijarã coriarã:

—Pascua basa ñaroca Jesure mani ñiaja, masa junisinirã yirãji manire. Ito bajiri ĩre ñiabitirũja mani Pascua basa iti ñaroca maji, yiyijarã ĩna.

Romio Jesús ya rijogaju sutirise iso jiojeore gaye
(Mt 26.6-13; Jn 12.1-8)

³Betaniaju Jesús ĩ ña ucurocati Simón ruju camĩ cãtigorũ ya wiju ñayiju ĩ. Ito ĩna ba rujirocati romio ejayijo ĩna tũ. Gũta alabastro wame cãtirisena

ĩna meniraga rucoyijo iso. Itigajũ nardo úye jiocõri ãmi ejayijo iso. Queno suti quenarise ñayijũ iti. Godana rujure turoti ñayijũ nardo úye. Iti ñayijũ bũto waja rucurise. Itiga ãmũmare wẽjeacõri Jesũs ya rijoga joejũ úye jio guyijo iso. ⁴Ito bajiro iso yija ticõri, itijũ ñarã coriarã junisiniyijarã:

—¿No yija úyere rocati cõati iso? ⁵Iti úye trescientos waja cutibojabũ. Iti waja niyeru bujacõri bojoro bujarãre isirũjaboyija isore, yiyijarã coriarã ñamasiti tuoĩa busirã.

Ito bajiro tuoĩacõri isore tudiyijarã ñna.

⁶Ito ñna yija tuoõõri, ado bajiro yiyijũ Jesũs ñnare:

—Isore tudibesa mũa. ¿No yija isore rucũbuobeati mũa? Iso yirise quenasacõa yũre. ⁷Mũa rãca riti ñatĩnarã yirãji bojoro bujarã. Ito bajiri ñnare ejabuatĩnarã yirãji mũa. Yuama mũa rãca ñatĩnabicũ yigũja. Ito bajiri mũa rãca yũ ñaroca maji yũjuare ejabuaja quena. ⁸Adio iso tuoĩaro bajiro queno yũre yimo iso. Yũ godaroto riojũ yũ ya rujure úye queno suti quenarise tumo iso. ⁹Riti muare gotia yũ. Dijũ Dios oca quenarise ñna riasoja yũre queno iso yigore gaye tuoĩã yirãji masa. Ito bajiri iso queno yirise tuoĩacõri, isore acabojamenaji ñna, yiyijũ Jesũs ñnare.

Jesure ñna ñiatoni Judas ĩ oca menire gaye

(Mt 26.14-16; Lc 22.3-6)

¹⁰Ito yija paia ujarã rãca busirocũ wayijũ Judas Iscariote. Jesũs rãca riasotirã jũa gubojeno ñagũ ñayijũ ĩ. Jesure ñiatoni paia ujarãre gotiyijũ ĩ. ¹¹Ĩ gotija tuoõõri, wanũyijarã ñna:

—Niyeru mũre isiana gua, yiyijarã ñna Judasre.

Ito bajiri, “Jesure ñna ñia masitoni, ¿no bajiro ñnare ĩorũjati yũ?” yi tuoĩasũoyijũ Judas.

Jesũs ĩ basusare gaye

(Mt 26.17-29; Lc 22.7-23; Jn 13.21-30; 1 Co 11.23-26)

¹²Naju wadarise uco wũoya mani bare basa ejayijũ, Pascua basa ñnasũori rũmũ. Oveja macũ Diore soe isiri rũmũ ñayijũ iti rũmũ. Iti rũmũti Jesũs rãca riasotiri masa ado bajiro seniĩayijarã ĩre:

—¿Nojũ gua ware ãmoati mũ, bare meni yurã Pascua basa baroti? yiyijarã ñna Jesure.

¹³Ito yija jũarã ĩ rãca riasotirãre goti ñucayijũ Jesũs:

—Cũto wasa. Itoju mũmũgũ ide gõnaradũna ide gõnagũre ti bujarã yirãji mũa. ĩre Sũya waja. ¹⁴Sũya sãjacõri wi ujure seniĩama: “Manire riasogu ado bajiro yimi: ‘¿Nojũ ñati yũ rãca riasotirã rãca Pascua basa menirã gua baroti sõa?’ yimi mani Ujũ guare”, yiba mũa, yiyijũ Jesũs ñnare. ¹⁵Ito bajiro mũa yija tuoõõri, co sãnimũ weca ñari sõa jajo sõa muare gotigũ yiguĩji. ñna quenocãra sõa ñaroja. Ito bajiri iti sõajũ bare menima mani baroti, yiyijũ Jesũs ñna jũarãre.

¹⁶Ito ĩ yija tuoõõri, ñna jũarã wayijarã. Wacõri cutojũ ejayijarã. Itoju Jesũs ĩ gotiado bajiro ti ejayijarã ñna. Itoju Pascua bare meniyijarã ñna ĩja.

¹⁷Iti rãiosuorijũ ejayijũ Jesũs ĩ rãca riasotirã rãca. Jua gũbojeno ñayijarã ĩna. ¹⁸Īna baroca ado bajiro gotiyijũ Jesũs ĩnare:

—Riti mũare gotia yũ. Mani wato sigũ ñami yũ rãca bagũ. Yũre ñajaro yirocũ gãjerãre gotigũ yiguĩji ĩ, yiyijũ Jesũs ĩnare.

¹⁹Ito bajiro ĩ yija tuocõri, bũto bojori bũjayijarã ĩna. Ito yicõri ĩnacõti Jesure ado bajiro seniãasuoyijarã:

—¿Yũjua ñati? yi jedi wayijarã ĩna.

²⁰Ito yija Jesũs cũdiyijũ ĩnare:

—Jua gũbojeno ñagũ yũ ya tẽroti yũ rãca najuro weo bagũ ñami ĩ. ²¹Dios oca tuti iti gotiro bajiroti rẽtaro yiroja yũre. Yũ ña Masa Rĩjoru. Yũre ñiacõri sãrã yirãji masa. Āni, gãjerã yũre ñajaro yirocũ gotigũ, bũjato bũjagũ yiguĩji. Ito bajiri ĩ rujeabeja quenaboyija ĩre, yiyijũ Jesũs ĩnare.

²²Īna baroca riti ĩ ya ãmojũ najuro ãmi rũcoyijũ Jesũs. “Queno ya Dios mũ”, yiyijũ Jesũs. Najuro igata batocõri ĩsiyijũ ĩnare. Ito yicõri ado bajiro ĩnare gotiyijũ Jesũs:

—Īmo baya. Adi ña yũ ya ruju robo bajiro bajirise.

²³Ito yija Jesũs ĩ ya ãmona rujatẽro ãmiyijũ. Iti tẽro rũcocõri, “Queno ya Dios mũ”, yiyijũ ĩ. Ito bajiro yicõri ĩnare ĩsi ñucayijũ Jesũs. Ito bajiri ĩna ñarocõti idi jediyijarã. ²⁴Ito yicõri ado bajiro ĩnare gotiyijũ Jesũs:

—Adi ña yũ ya rĩ robo bajiro bajirise. Yũ ya rĩ iti budija jãjarã masa ñeñaro ĩna yirisere coero yiroja. Yũ ya rĩ yũre iti budija ticõri, “Dios ĩ gotiado bajiroti yami ĩ”, yi masirã yirãji masa. ²⁵Riti mũare gotia yũ, juaji uyé ide idibicũja yũ maji. Dios ĩ rotiroju ejacõri gajero bajirise idigũ yigũja yũ mũcana, yiyijũ Jesũs ĩnare.

“ ‘Jesure masibea yũ’, yigũ yigũja mũ”, Pedrore Jesũs ĩ yire gaye
(Mt 26.30-35; Lc 22.31-34; Jn 13.36-38)

²⁶Ito yija Diore basa tiocõri Olivos wame cutiri turiaju wayijarã ĩna. ²⁷Ito ĩna waroca ado bajiro yiyijũ Jesũs ĩnare:

—Yũre tuorũnũrã ñabobarãti tuoĩa jidicãrã yirãji mũa. Ito bajiri yũre jidicãcõri wagorã yirãji mũa ñarocõti, yiyijũ Jesũs. Ito bajiroti gotia Dios oca tuti cãni. Tite mũa: “Oveja coderi masure siagũ yigũja yũ. Ito bajiri ĩ ya oveja rudi batecoarã yirãji”, yi gotiami Dios ĩ oca tutina. ²⁸Yũre ĩna ñajaja ticõri, rudi batecoarã yirãji mũa. Ito bajibojarocati yũre ĩna sãaja bero mũcana tũdi catigũ yigũja yũ. Tũdi caticõri mũa riojua busa Galilea sitaju wacũ yigũja yũ, yiyijũ Jesũs ĩnare.

²⁹Ito ĩ yija tuocõri, ado bajiro yiyijũ Pedro:

—Īnama mũre jidicãrã yirãji. Yũama bajibicũja, yiyijũ Pedro Jesure.

³⁰Ito ĩ yija tuocõri, ado bajiro cũdiyijũ Jesũs ĩre:

—Riti mũre gotia yũ. Adi ñamiti cara juaji yujiroto riojua udiaji, “Jesure masibea yũ”, yigũ yigũja mũ, yiyijũ Jesũs Pedrore.

³¹Ito ĩ yija tuocõri, ado bajiro yiyijũ Pedro:

—Meje, “Jesure masibea yu”, yibicuja yu. Yure ina sã amoja cuni, “Jesure masibea yu”, yibicuja yu, yiyiju Pedro Jesure. Pedro i yiro bajiro riti yi jediyijarã ina.

Getsemaní wame cutiri weseju Jesús i Diore rucabuore gaye
(Mt 26.36-46; Lc 22.39-46)

³²Ito yija Getsemaní wame cutiri weseju wayijarã ina. Itoju ejacõri i rãca riasotirãre ado bajiro gotiyiju Jesús:

—Õ Diore busigu yu waroca riti, ado rujiya maji, yiyiju Jesús inare.

³³Ito bajiri udiarãre ami wayiju Jesús. Pedro, Santiago ito yicõri Juanre cuni ami wayiju i. Ina waroca riti buto tuoia bojori bujasuoyiju i.

³⁴Ito bajiri ado bajiro yiyiju Jesús inare:

—Yu ya usiju buto tuoia bojori buja yu. Ito bajiri goda wacu ya yu yiado baja yure yu ya usiju. Ado tujaya mua maji. Canimenati yure bocati nama mua, yiyiju Jesús ina udiarãre.

³⁵Ito yicõri ina riojua sojua busacã wayiju Jesús. Ito wacõri i ya rio sitaju muqueacõri Diore busi nayiju i. Quenabeto junirise ire rëtabititoni Diore seniyiju Jesús. ³⁶Diore busigu ado bajiro yiyiju Jesús:

—Cuna, nejua mu yi masibiti manoja. Ito bajiri yu tõbujabe yirocu, mu yure ejabuare amoja yu. Ito bajibojarocati yu amoro bajiro meje mu yija quena. Mu amoro bajirojua mu yija quena, yiyiju Jesús Diore.

³⁷Diore busi tiocõri tudi wayiju Jesús ina udiarã tujã. Ina caniroca ejayiju Jesús. Ito ina bajija ticõri, ado bajiro yiyiju Jesús Pedroe:

—Simón, ¿canigũ yati mu? Coji cõrecõ, ¿tirũnu seobeati mua?

³⁸Canibesa. Queno ti ñaña mua. Ito yicõri Diore seniña, mua ñeñaro yibe yirona. Mua ya usijua queno tuoiarã ñabojarãti, mua ya rujuna queno yi masibea mua, yiyiju Jesús Pedro mesare.

³⁹Ito yija Diore busirocu wayiju Jesús mucana. I senisuoado bajiroti gotiyiju Jesús Diore mucana. ⁴⁰Diore busi tiocõri tudi wayiju Jesús ina tujã mucana. Inare wujo buto jeobuajare canicoayijarã ina. Ito bajiri ina caniroca ti bujayiju Jesús inare. Yujicõri buto Jesure bojo tiyijarã ina. Ito bajiri ire cudi masibisijarã ina. ⁴¹Juaji Diore busicõri mucana Diore busigu wayiju Jesús. Ito yija bero tudi wayiju ina tu mucana:

—¿Cani tujarã yati mua maji? Itocõ caniña mua. Yure ina ñiaroti rumu ejacoaju ija. Yu ña Masa Rijoru. Ñeñara masa yure ñiajaro yirocu gotiri masu ejacoami ija. ⁴²Ita. Wumũña. Wato. Gãjerã yure niatoni gotiri masu ejacoami, yiyiju Jesús i rãca riasotirãre.

Jesure ina ñiare gaye
(Mt 26.47-56; Lc 22.47-53; Jn 18.2-11)

⁴³Jesús i busiroca riti ejayiju Judas. Jesús rãca riasotigu nayiju Judas, juã gubojeno ñagũ. Judas rãca masa jãjarã wadiyijarã. Sarera jãi rucocõri, yucu

rucocōri wadiyijarã ina. Ñinare cōayijarã paia ujarã, judio masa rotirise riasori masa, ito yicōri bucūrã cuni. ⁴⁴Judas Jesure ina ñiarotire gotiyijũ ñinare:

—Ado bajiro Jesure ñogũ yigũja yũ muare. Recoti yũ usugũ ñagũ yigũiji. Ñre yũ ñoja bero queno ñiama mua, muare ñ rudibe yirona, yiyijũ Judas.

⁴⁵Ito ejacōri Jesús tu eja rügũyijũ Judas. Ito yicōri Jesure ado bajiro yiyijũ ñ:

—¿Ñati yũre Riasogu mu? yi ejayijũ Judas.

Ito yicōri Jesure usuyijũ ñ. ⁴⁶Ito ñ yija ticōri, ña ya ñmona Jesure ñmi wayijarã ina, ñ rudibe yirona.

⁴⁷Ito tu rügõgũ ñ ya sarera jã tãawea ñmiyijũ. Ito yicōri paia ujure moa ñsiri masure ñ ya gãgoro jatayijũ ñ. ⁴⁸Ito bajiro ñ yija ticōri, ado bajiro yiyijũ Jesús masare:

—¿Sarera jã rucocōri, yucũ rucocōri yũre ñiarã wadiri mua? ¿Yũ riniri masũ meje ñabojarocati, “Riniri masũ ñaguñji”, yirona yũre ñiarã wadiri mua? ⁴⁹Co rumũ ruyabeto Dios ya wijũ mua wato ñasotibũ yũ, muare riasogu. Ito yũ ñabojarocati yũre ñiabiticũ mua maji. Mua yũre ñiaja, Dios oca tuti gotiado bajiro rëta yũre, yiyijũ Jesús ñinare.

⁵⁰Ito yija Jesure ña ñiaja ticōri, ñ rãca riasotiri masa ñarocōti rudi batecoayijarã ña ñja.

⁵¹Sigũ mamũ ña Jesure ñmi warocati sũya wayijũ ñinare. Saya jãina riti gãmayijũ ñ. Ito ñ ñaroca ñre ñiabojayijarã itijũ ñarã. ⁵²Ito bajibojarocati saya jidi queocōri ñe macuti ñmaquedi wayijũ ñ.

Ujarã ñasarã, “Seti ña mure”, Jesure ña yire gaye
(Mt 26.57-68; Lc 22.54-55, 63-71; Jn 18.12-14, 19-24)

⁵³Ito yija paia uju ñasagu ya wijũ Jesure ñmi wayijarã ña. Ito bajiro yicōri minijuayijarã paia ujarã ñarocōti. Judio masa rotirise riasori masa, bucūrã cuni minijuayijarã ña. ⁵⁴Pedro sõju busaju suyayijũ ñinare güigũ. Paia uju ñasagu ya wi ñari tũcũro ejayijũ ñ. Itoju ejacōri tujacoayijũ Pedro ñja Dios ya wi coderi masa rãca. Ito yicōri ña rãca jea sumayijũ ñ.

⁵⁵Ito bero paia ujarã ito yicōri ujarã ñasarã cuni Jesure sãa ñmoyijarã ña. Ito bajiri, “Ado bajiro ñeñaro yami Jesús”, yi ruo gotironare ñmabojayijarã ña. No yi buja masibisijarã ña. ⁵⁶“Adi seti ña Jesure”, jãjarã ña yi ruobojarocati sigũ tuoñaro bajiro meje tuoña busiyijarã ña. ⁵⁷Coriarã wũmũ rügõcōri busi tudiyijarã Jesure:

⁵⁸—Ñ busija tuobũ gũa: “Dios ya wi masa menira wi jana batecõcũja yũ. Ito bajibojarocati udiã rumũ beroti mucana iti wire jõrojocũja yũ, masa menire gaye meje”, yimi Jesús, yiyijarã ña.

⁵⁹Ito bajibojarãti sigũre bajiro meje tuoñayijarã ña.

⁶⁰Ito yija paia uju wũmũ rügũyijũ ña wato. Ito yicōri Jesure seniñayijũ ñ: —¿Cudibeati mu? ¿Ñeonire mure busituati ña? yiyijũ paia uju Jesure.

⁶¹Ito bajiro ñ yibojarocati itire cudibisijũ Jesús. Cudibicuti tujayijũ ñ. Ito bajiri mucana tũdi seniñayijũ paia uju ñre:

—¿Muti ñati Cristo, Dios Macu? yiyijũ ñ Jesure.

⁶²Ito ĩ yija tuocōri, ĩre cūdiyijũ Jesús ĩja:

—Aũ, ĩti ña yũ, yiyijũ Jesús. Yũ ña Masa Rĭjorũ. Ija Dios rāca ĩ ya riojocadũja yũ rujiija tirā yirāji mua. Yũ Jacũ Dios rāca ũmacũju ide bueri rāca gua ruji wadija tirā yirāji mua, yiyijũ Jesús ĩnare.

⁶³Jesús ito ĩ yija tuocōri, ĩmasiti ĩ ya yutabuju ñigāyijũ paia Ƶju. ĩ junisinirisere ĩrocũ ito bajiro yiyijũ ĩ. Ito yicōri ado bajiro yiyijũ ĩ:

—Gājerā Jesure tore tuo āmobeia yũ ĩja. ⁶⁴Mũa cūni tuobũ Diore Jesús ñeñaro ĩ yirise. Ito bajiri, ĩno bajiro āmoati mua? yiyijũ paia Ƶju masare.

Ito bajiro ĩ yija tuocōri: “ĩre sĭarũja mani”, yi jediyijarā masa.

⁶⁵Ito yija coriarā Jesure go ide eobate guyijarā ĩna. Ito yicōri Jesús ya cajea moabiacōri ĩre jayijarā ĩna. ĩre jacōri ado bajiro seniĭayijarā ĩna:

—ĩÑimũ mure jari? Recoti mũ tuo masijama, “ĩ yure jami”, yigũ yigũja mũ, yi ajeijarā ĩna Jesure.

Dios ya wi coderi masa cūni ĩ ya rioju jayijarā ĩna.

Jesure masibea yũ, Pedro ĩ yire gaye

(Mt 26.69-75; Lc 22.56-62; Jn 18.15-18, 25-29)

⁶⁶Ito ĩna yiroca iti wi tũ ñari tũcũroju ñayijũ Pedro. Ito ĩ ñaroca paia Ƶjũre moa ĩsiri maso ejayijo ĩ tũ. ⁶⁷Pedro jeame tũ ĩ rujiija ticōri, ĩre ti rũgcoayijo iso. Ito bajiri ado bajiro yiyijo iso ĩre:

—Mũ cūni Jesús Nazaret gagũ rāca wa ucuyija mũ, yiyijo iso Pedore.

⁶⁸Iso ito yija tuocōri, ado bajiro cūdiyijũ ĩ:

—Jesús rāca wa ucubiticũ yũ. ĩre masibea yũ. Mũ busirisere tuo masibea yũ, yiyijũ Pedro isore.

Ito yicōri sĭjasũora soje tũjũa budi wayijũ ĩ. Ito ĩ bajiroca riti cara yujijijũ. ⁶⁹Paia Ƶjũre moa ĩsiri maso mũcana Pedore ti bũjacōri ado bajiro yiyijo itijũ ñarāre:

—Āni ñami Jesús rāca riasotiri masũ, yiyijũ iso.

⁷⁰Iso ito yija tuocōri: “ĩre masibea yũ”, yiyijũ Pedro mũcana. Ito yija itijũ ñari masa ado bajiro yiyijarā Pedore:

—Mũti ña ĩna rāca gagũ. Mũ ña Galilea gagũ. ĩna bajiroti busia mũ cūni, yiyijarā ĩna ĩre.

⁷¹Ito yija ado bajiro cūdiyijũ Pedro:

—Jesure masibesacōa yũ. Bũgũti yũ yija yũ ñeñaro tōbũroca yijaro Dios, yiyijũ ĩ. Ito mũa busigure masibea yũ, yiyijũ Pedro.

⁷²Ito ĩ yirocati mũcana tũdi yujijijũ cara. ĩ yujija tuocōri, Jesús ĩ gotire tũoĩa bũjayijũ Pedro: “Cara juaji ĩ yujiroto riojũa Ƶdiaji, ‘Jesure masibea yũ’, yigũ yigũja mũ”, Jesús ĩ gotire tũoĩacōri bũto otijijũ Pedro.

Pilato tũju Jesure ĩna āmi ejare gaye

(Mt 27.1-2, 11-14; Lc 23.1-5; Jn 18.28-38)

15 ¹Iti bususũoroca paia Ƶjarā, bũcũrā cūni minijuayijarā. Ito yicōri judio masa rotirise riasori masa, Ƶjarā ñasarā cūni ñajediro

minijuayijarã. Minijuacõri Jesure ãmo siacõri ãre ãmi wayijarã Pilato tujũ. ² Ì tũ Jesure ãna ãmi ejaroca ado bajiro seniãayijũ Pilato ãre:

—¿Muti ñati judio masa ujũ? yiyijũ Pilato Jesure.

Ito ã yija tũocõri, ado bajiro cudiyijũ Jesús ãre:

—Mũ yiro roboti ña, yiyijũ Jesús ãre.

³ Ito yija paia ujarã jaje oca meniyijarã Jesure. ⁴ Ito bajiri mũcana tũdi seniãayijũ Pilato Jesure:

—¿Cudibesacõati mũ? ¿Masibeati mũ, jeyaro mũre oca menirã yama ãna? yiyijũ Pilato ãre.

⁵ Ì ito yibojarocati ãre cudibisijũ Jesús. Ì cudibeja ticõri, bũto tũoĩa ucayijũ Pilato.

Jesure sãarũja mani, ãna yire gaye

(Mt 27.15-31; Lc 23.13-25; Jn 18.38-19.16)

⁶ Masa ãna basa ñaroca riti ado bajiro yisotiyijũ Pilato. Sĩgũ tubiara wijũ ñagũre masa ãna bucõa rotija, ãre bucõayijũ Pilato. ⁷ Ito bajiro ãna yi ñari rãmũ tubiara wijũ sĩgũ ñayijũ Barrabás wame cutigũ. Masa sãagoana rãca tubiara wijũ ñayijũ Barrabás. Oca riawũsacõri masa sãana ñayijarã Barrabás mesa. ⁸ Ito yija judio masa ejacõri Pilatore ado bajiro yiyijarã ãna:

—Mũ yisotiro bajiro, sĩgũre mũ bucõare ãmoa gũa, yiyijarã ãna ãre.

⁹ Ito yija Pilato cudiyijũ ãnare:

—¿Ñimũre yũ bucõare ãmoati mũa? ¿Judio masa ujũre yũ bucõare ãmoati mũa? yiyijũ Pilato.

¹⁰ Jesure riti masa jãjarã ãna tũo sũyaja ticõri, bũto junisiniyijarã paia ujarã. “Gũajuare riti ãna tũo sũyaja quena”, yirona bũto junisiniyijarã ãna Jesure. Ito bajiri ãre ti terã Pilatore ãsiyijarã ãna. Ito bajiro ãna yija tũo masicõyijũ Pilato. ¹¹ Paia ujarã oca sũoro masare busiyijarã. Ito yicõri ado bajiro ãnare gotiyijarã: “Pilatore seniteña, Barrabásre ã bucõatoni”, yiyijarã ãna. ¹² Ito yija Pilato seniãayijũ masare:

—¿Ñe yũ yire ãmoati mũa, “Judio masa ujũ ñami”, mũa yigure? yiyijũ Pilato masare.

¹³ Ito ã yija tũocõri, awasã cudiyijarã ãna:

—Yucũtũojũ ãre jaju sãaña, yiyijarã ãna.

¹⁴ Ìna ito yija tũocõri:

—¿Ñe ñeñarise yicati ãni? yiyijũ Pilato masare.

Ito bajiro ã yija tũocõri, mũcana tũdi awasã cudiyijarã masa:

—Yucũtũojũ ãre jaju sãaña, yiyijarã ãna.

¹⁵ Ito yija masa rãca queno ña ãmogũ Barrabásre bucõacõyijũ Pilato ãja. Ito yicõri, “Jesure bajeya mũa”, yi rotiyijũ ã ya moari masare. Ìna baje tũoroca masare ãsiyijũ Pilato, Jesure ãna jaju sãatoni.

¹⁶ Ito bajiri surara ãmi wayijarã Jesure iti sita gagũ ujũ ya wi totijũ. Ito yicõri surara ujarã ñarocõti minijuayijarã iti wijũ. ¹⁷ Ito wi totijũ ñacõri Jesure saya sũa ñiro sãyijarã ãna, ujũ ã sãñaro bajiro. Ito yicõri jota bedo seara bedo ãre jeoyijarã ãre. ¹⁸ Ito yicõri ado bajiro Jesure tũdi ajeyijarã ãna:

—Judio masa ɛjɛ ña mɛ. Gɛa bero catiba, yiyijarã ñna Jesure.

¹⁹Ito yicõri ï ya rijogaju yucuna ñre jayijarã. Ito yicõri ñre go ide eobate guyijarã. Ñ riojo rijomunigãna ñini rújucõri ado bajiro ñre aja tudiyijarã ñna: “Mɛ ña ɛjɛ ñasagu”, yi aja tudiyijarã ñna Jesure. ²⁰Ñre aja tudi tïocõri ï ya yutabuju súaro ruayijarã ñna. Ruagocõri mɛcana ñ sañasuoadoti tudi sãyijarã ñna mɛcana. Ito yicõri Jesure yucutëojɛ jaju sïarona ñre tãa wayijarã ñna ñja.

Yucutëojɛ Jesure ñna jaju sïare gaye
(Mt 27.32-44; Lc 23.26-43; Jn 19.17-27)

²¹Jesure ñna tãa waroca ñna tɛ ejayijɛ Simón wame cutigɛ. Cirene cuto gagu ñayijɛ ñ. Alejandro, ito yicõri Rufo jacɛ ñayijɛ ñ. Jesús tɛ Simón ñ rëta waroca ñ ya yucutëore gaja rotiyijarã surara ñre.

²²Ito yija Jesure ãmi wayijarã Gólgota wame cutiri turiaju. “Rijoga gõa”, yireoni ña iti Gólgota yire. ²³Itoju ejacõri Jesure ɛyé ide, mirra ɛco wasaro ñre iobojayijarã ñna. Itire idibisijɛ Jesús. ²⁴Ito yija Jesure yucutëojɛ jaju wõyijarã ñna. Ñ ya ãmo ito yicõri ñ ya gubore cɛni jajuyijarã come wacana. Jesús ya yutabujure ãmorã ado bajiro yiyijarã ñna: “Ñimɛjuwa Jesús ya yutabuju ñ bujaja tiana mani”, yirona gũta ajerina rea ajeyijarã surara. Ito bajiro yi ajecõri, ñ ya yutabujuri gãmeri batoyijarã ñna ñja.

²⁵Busuri busa nueve tujarocacõ Jesure jajuyijarã ñna. ²⁶Jesús ya rijoga weca cumu jã ñ uca jã wõyijarã ñna. “Ñni ñami judio masa ɛjɛ”, yi uca ñayijɛ iti jãijɛ. “Iti waja seti ña ñre”, yireoni ñayijɛ ito uca wõre. ²⁷Jesús rãca cocati jãarã riniri masare jajuyijarã ñna. Sígũ Jesús ya riojocaduja ñayijɛ, gãji ñ ya gãcodujajɛ. ²⁸Ito iti bajija Dios oca tuti iti gotiro bajiroti rëtaoayijɛ: “Ñeñaro yirã rãca ñacõri, ñ cɛni ñeñaro yigɛ ñaguñji”, yirã yirãji masa, yi uca ñayijɛ Dios oca tutijɛ.

²⁹Itijɛ gãna Jesús tɛ rëta warãti ñre aja tudiyijarã ñna:

—“Dios ya wire jana batecõcɛja yɛ. Ito yicõri ɛdia rumɛ bero mɛcana jõrojocɛja yɛ”, yibojacɛ mɛ, yiyijarã masa Jesure. ³⁰Mumasiti masoña. Ito yicõri yucutëojɛ wãñagũ ruji waya mɛ, yiyijarã ñna Jesure, ñre aja tudirã.

³¹Paia ɛjarã, judio masa rotirise riasori masa cɛni ito bajiroti aja tudiyijarã ñna Jesure:

—Gãjerãre masobojaguti ñmasiti maso masibeami ñ, yiyijarã ñna. ³²Cristo, Israel sita gãna ɛjɛ mɛ ñaja, ruji masigũ yigɛja mɛ. Yucutëojɛ mɛ rujija ti ãmoa gɛa. Mɛ rujija ticõri, “Cristo ña mɛ”, yiana gɛa, yiyijarã ñna Jesure.

Jesús rãca cocati yucutëojɛ jaju ecoana cɛni aja tudiyijarã ñre.

Jesús ñ usi jedire gaye
(Mt 27.45-56; Lc 23.44-49; Jn 19.28-30)

³³Ûmɛa gudareco ñaroca macãrucõro ñarocõti rãitiacoayijɛ ñja. Yoari rãitijayijɛ iti. Ñamicajɛa busa tres ñaroca itocõ busuyijɛ mɛcana. ³⁴Itocõ tujarocati buto awasãyijɛ Jesús ñ ocana:

—Eloi, Eloi, ¿lama sabactani? yiyijũ Jesús. “Dios yũ Jacũ, ¿no yija yũre wagoati mũ?” yireoni ñayijũ iti ï ocana.

³⁵ Coriarã ito ña coderã ï awasãja tuocõri, ado bajiro yiyijarã ñna:

—Tũoya mũa. Diore goti ïsiri masũ Elías wame cutigũre jigũ yirũ ï, yiyijarã ñna.

³⁶ Ito yija sīgũ ito ñagũ ũmaquedi wayijũ Jesús tũjũa. Ito yicõri ide udi amirisena uyé ide jiare weoyijũ. Ito yicõri ïre itojũ ñutubojayijũ yucũgũna, Jesús ya rise tũjũ ï mimitoni. Idibisijũ Jesús. Ito yija Jesure ado bajiro yiyijũ ï:

—Yuya maji. Diore goti ïsiri masũ Elías mũre ï rujioja tiana gũa, yiyijũ ï Jesure.

³⁷ Ito ï yija bero oca sũero awasãyijũ Jesús. Ito awasãcõri usi jedicoayijũ ï ïja. ³⁸ ï usi jedirocati Dios ya wi saya webũtiro, wi gũdareco yobiado ũmacũjuana ñigã ruji wadicõri jacajũ ñigã ruji ejacoayijũ. ³⁹ Co ñujamocõ masacõ surara uju Jesús riojo ñagũ ï usi jedija ticõri, ado bajiro yiyijũ ï:

—Dios Macũguti ñabojañi añi, yiyijũ surara uju.

⁴⁰ Sõju busa ti ñayijarã romia cũni, Jesús ï godaja. ñna wato ñayijarã María Magdalena, María Santiago mesa jaco, ito yicõri Salomé wame cutigo cũni. Sõju busa ti ñayijarã ñna. ⁴¹ Galilea wame cutiri cutojũ Jesús ï ña ucuroca ïre ejabũagoana ñayijarã ñna. Gãjerã romia Jerusalénju Jesure sũya ejagoana ï godaja ti ñayijarã ñna cũni.



(San Marcos 15.39)

Jesure ñna yujere gaye
(Mt 27.57-61; Lc 23.50-56; Jn 19.38-42)

⁴² Ito yija judio masa moasũsari rũmũ rãiocoayijũ. Iti rũmũ ñayijũ tujacãra rũmũ riojũa ñna queno yuri rũmũ. ⁴³ Ito yiroca ejayijũ José Arimatea gagũ. ï José ñayijũ ñasarã rãca ñagũ. Diore tuorũnũrãre ï miojuroti rũmũ bocati ñayijũ

ĩ cuni. Ito yija oca sēoro sāja wacōri Pilatore Jesús ya rujure seniyijũ ĩ. ⁴⁴Ito ĩ yija tucōri, “Agũ, ¿no yija yoari mejeti usi jediati ĩ?” yi tucōiyijũ Pilato. Ito bajiri surara ujũre jiyijũ Pilato: “¿Riti bajiati?” yirocũ. ⁴⁵“Riti ña”, surara ujũ ĩ yija tucōri, Jesús ya rujure ãmi rotiyijũ ĩ Josére. ⁴⁶Ito bajiro ĩ yija tucōri, Jesús ya rujure gũmarocũ saya coro waja yiyijũ José. Ito yicōri Jesús ya rujure rujiogũ wayijũ ĩja. ĩre rujio tucōri ĩre gũmayijũ José. Ito yicōri gũta totijũ masari cumajũ Jesús ya rujure yujeyijũ José. Ito yicōri gũta jãĩ jaja jãina tubiyijũ masari cuma sojere. ⁴⁷María Magdalena, María José jaco cuni tiyijarã Jesure ĩna yujerajũ.

Jesús ĩ tũdi catire gaye

(Mt 28.1-10; Lc 24.1-12; Jn 20.1-10)

16 ¹Tujacãra rumũ rãiocũro ñaroca María Magdalena, María Santiago jaco ito yicōri Salomé wame cutigo cuni ĩna udiarã sutirise queno suti quenarise waja gãmeyijarã ĩna Jesús ya rujure turona. ²Tujacãra rumũ busuri jijũ wayijarã ĩna Jesús ya masari cumajũ. Ũmacañi joejearijũ ejayijarã ĩna. ³Ito yicōri ĩnamasiti busiyijarã:

—Jesús ya masiri cuma gũtagã tubiadao, ¿Ñimũ manire ãmigo ĩsigũ yiguĩjida? yi busi wayijarã ĩna.

⁴Ito ejacōri ĩna tija gũtagã jajoca ĩna biabojaraga mañijũ ĩja. Iti ñaraju meje ñayijũ itiga ĩja. ⁵Gũtagã manija ticōri, sãjayijarã ĩna. Ito sãja wacōri ĩna ti ñucaja riojocaduja sigũ mamũ yutabuju botiro sãnacōri rujiyijũ. ĩre ticōri ucayijarã ĩna romia. ⁶ĩna ucaya ticōri, ado bajiro ĩnare gotiyijũ ĩ:



(San Marcos 16.2)

—Ucabesa mua. Jesús Nazaret gagu mua ãmagũ yucutẽojũ ãna jajuru mamĩ. Ñ godaja bero tũdi caticoami. Ito bajiri mamĩ ado. Tiya mua ado ãre ãna cũgorajũ, yiyijũ ã ãnare. ⁷Wasa. Ñ rãca riasotigoanare gotitẽña. Pedre cuni gotiba, yiyijũ ã. Ado bajiro mua gotija quena: “Jesús mua riojuajũ Galileajũ ejagu yiguĩji. Itoju ãre tirã yirãji mua. Ñ gotiada bajiroti itoju ãre ti bujarã yirãji mua”, yĩ gotiba mua ãnare, yiyijũ ã.

⁸Ito ã yija tuocõri, rudi budi wayijarã romia. Queno budi yire mejeti, nũruo budi wayijarã ãna, ucarã. Ito bajija ticõri, guirã gãjerãre goti bato yibisjarã ãna.

María Magdalenare Jesús ã goaĩore gaye
(*Jn 20.11-18*)

⁹Semana gaye ñasũori rãmũ busuri jĩju mucana tũdi caticõri María Magdalenare cajero goaĩoyijũ Jesús. Jua ãmojeno rãmúa budigoro ñayijũ iso. ¹⁰Jesús ã tũdi catija ticõri, ã rãca riasotigoanare gotigo wayijo iso, ãna oti bojori bujabe yiroco. ¹¹Ñna tu ejacõri ado bajiro yiyijo iso: “Mucana catiami Jesús. ãre tibu yũ”, yibojayijo iso ãnare. Iso gotija tuobojarãti, “Riti gotiamo”, yĩ tuorũnubisjarã ãna.

Jũarã ã rãca riasotigoanare Jesús ã goaĩore gaye
(*Lc 24.13-35*)

¹²Ito yija bero weseca ãna wa ucuroca ã rãca riasotigoana jũarãre goaĩoyijũ Jesús. Gajero bajigu ñacõri, ãnare goaĩoyijũ Jesús. Ito bajiri cajero ãre ti masibisjarã ãna maji. ¹³Yoa busari, “Ñti ñami Jesús”, yĩ ti masicõri, tũdi wayijarã ãna gãjerã Jesús rãca riasotigoanare gotirã warã. ãna gotibojarocati ãnare tuorũnubisjarã ãna cuni.

Ado bajiro yũ oca masare riasoba mua, yĩ Jesús ã rotire gaye
(*Mt 28.16-20; Lc 24.36-49; Jn 20.19-23*)

¹⁴Ito yija bero co rãmũ ã rãca riasotigoana once ñarã ãna ba rujiroca ãnare goaĩayijũ Jesús: “¿No yija gãjerã yũre tigoanare tuobeati mua? Mua ya usijũ tuo ãmobeã mua”, yĩ tudiyijũ Jesús ãnare.

¹⁵—Wasa, masa jeyarore Dios oca goti ucuba. “Ñre tuorũnũrãre masogũ yiguĩji Dios”, yire gaye riaso ucuba mua. ¹⁶No Diore tuorũnucõri, idẽ gu ecoruti godabiquĩji. Catitĩnagũ yiguĩji. Ito bajibojarocati no yũre tuorũnubicuama ã ñẽnaro yirise waja ñaro ya ãre. Ito bajiri jeame ãjũroju ãre cõagũ yiguĩji Dios, yiyijũ Jesús. ¹⁷Yũre tuorũnũrãre ti masirã yirãji mua. Ado bajiro yirã yirãji ãna. Yũre tuorũnucõri yũ masirisena suõriti rãmũare bucõarã yirãji ãna. ãna masibiti oca ñabojareti busirã yirãji ãna. ¹⁸Ñãnare ãna ñiabojava, ito yicõri ide junirisere ãna idibojaja cuni ãnare junibetoja. Diore busicõri cõrãre ãmo moã jeorã yirãji. Ito ãna yirocati tujarã yirãji masa, yiyijũ Jesús ãnare.

Macārucūroju Jesús ĩ mŭja ware gaye
(Lc 24.50-53)

¹⁹Iti ĩ busija bero macārucūroju mani Ūju Jesure āmi mŭja wayiju Dios. Ito bajiri Dios ĩ riojocadujaju rujiyiju Jesús. ²⁰Ito ĩ mŭjaja bero masa ñajedirore Dios oca goti ucurā wayijarā ĩna ĩja. Ito bajiro ĩna goti ucuja ticōri, Jesumasiti ĩnare ejabŭayiju ĩ. Masa ĩnare queno tŭorŭnŭjaro yirocŭ, ĩ rāca riasotigoanare ejabŭayiju Jesús. Ito bajiri ĩ ejabŭarisena tiyamani masare ĩoyijarā ĩna cŭni. Itocōti ña.